

雕菰集稿本卷一之卷六

江都焦理堂先生手錄

五君詠序

悲愉欣戚幽憂悱惻之情鬱於中而不達則托詩以達
之達之惟恐其盡則為纏綿要眇以引其聲復為之比
物連類以卷其旨又為之激昂頓挫以合其節使讀者
求之彌深繹之而不窮其詞不外乎彞倫事物耳目淺
近之常而所以感發興起者惻然有以動人性情心志
之微而反其正此詩之為用所以速而神婉而通變動
而不居也顧執此意以求詩輒不少概見所見者皆浮
麗浩衍才有餘而情不足何歟豈一倡三歎之旨宜於
古不宜於今歟抑得麗浩衍之辭足以救前人之偏而

補其闕歟抑昔之為詩者本國風離騷遺緒今人所操
乃正雅三頌之聲歟嗟乎人稟七情感物吟志先王以
之厚人倫美教化移風俗後人乃以浮麗浩衍當之
宜其詩之不古若也雖然才者情之用也情不能勝才
則放而不知所極苟情有餘而不為才勝即一體之工
偏端之善要其極實與四始六義同原故求諸遠近又
未嘗無人也幽深綿摯持有源而蓄無盡吾得一人焉
曰滁州張竹軒天懷澄澹有衡門十畝之風吾得一人
焉曰吳門曹峴亭虛而夷逸而不夸吾得一人焉曰西
浚字若香指事類情可以觀變吾得一人焉曰江都焦

里堂窮愁鬱伊工於寄托吾得一人焉曰故鄣吳蘅皋
暇日即篋中所藏各錄如干首為五君詠序之云尔武

康徐熊飛

雕菰集目錄

卷一

賦六篇

卷二

詩五十一首

卷三

詩九十四首

卷四

詩一百四十一首

卷五

雕菰集目錄

卷一

賦六篇

卷二

詩一百三十四首

卷六

贊三十七首 頌一首 銘九首

卷七

雜著十三篇

卷八

辨十一篇 論七篇

卷九

解十七篇

卷十

說二十七篇

卷十一

釋五篇 考十五篇

卷十二

議四篇 答問七篇 狀一篇

卷十三

書十一篇

卷十四

書十六篇

卷十五

序十七篇

卷十六

序二十五篇

卷十七

序十篇

卷十八

跋十篇

書後十二篇

題二篇

卷十九

記二篇

卷二十

記十一篇

卷二十一

傳十一篇

卷二十二

碑一篇

墓志銘九篇

墓表五篇

冢志一篇

卷二十三

事略三篇

事狀一篇

書事五篇

卷二十四

告文一篇

祭文四篇

哀辭三篇

右共二十四篇卷文三百二十篇詩四百二十四首

嘉慶二十二年歲在丁丑正月二十九日江都焦循
手訂於丰九書塾之仲軒

卷二十四

雕菰集卷一

感大人賦 并序

江都焦循著

雕菰集

二十四卷
四本

乾隆己亥夏五月諸城劉文清公特以侍郎督學江蘇
按部至揚州循年十七應童子試公課士簡嚴惡浮偽
之習試經與詩賦尤慎重用是試者甚罕循幼從范先
生學詩古文辭至是往試公取為附學生覆試日公令
教授金先生呼曰詩中用韻磨字者誰也循起應之教
授令立侯堂下良久燈燭光耀公自內出循拜公止之
公視循衣冠殊樸陋顏色甚懽問二字何所本循以文
藪桃花賦對謹述其音義公大悅因自為高賦會

或人謂此紛紛兮非仕宦之所急媿望質以棲近兮義
膠言而莫擇思濛濛而漸泛兮樞蹇蹇以日迫維大人
能備人兮愚為之開若清風之吹曙兮道無塵埃日月
之高夏兮公示以階枝柯之紛躋兮公授以芬魂氣之
游散兮公棲之以骸雨潦之無歸兮公導之以江淮屏
糟粕而飲以醇醪兮尊佳穀於鹵來余乃皇皇以識路
兮輕衆口之予媿耻與境之未見兮悔前習之已乖撫
年華之尚駐兮真名學於方來行沅岸兮或墜寢筆札
兮在懷鬼入夢兮與競髮近藝兮半灰閱荒歉其無食
兮探微言以療飢惻羸病其不支兮竭情竅而冥思既

超遙而長征兮惟鉛槧之日隨年倏忽其五十兮暖日
旼而齒危心悠悠而未已兮就學業於何時慕遠至而
夫迂滯兮舍祿利之駢馳涸陽神以妙索兮數寫定而
猶疑風雨瀟瀟兮秋夜長雞鳴不已兮天有光魂茫茫
而不寐兮道邈邈而弗忘瞑雙眸而回潮兮儼攝齊於
公堂凜嚴嚴而在上兮爰仁我以春陽獎士類以定品
兮泰有善之必揚進小家而共語兮膺無微之弗彰拔
英彥於韋褐兮淑立賢之無方甄僑肝於菰蘆兮亮何
用之不臧第鑒別於淑慝兮祇擬議於短長惟大人之
化育兮迺物與之无亡譬農夫之力穡兮彼收穫於倉

箱茲耕菑而灌沃兮培荒蕪而為良體元亨而知始兮
柄消息之有常頤童蒙而祛蔽兮孚解悖而包瓦官大
德而不居兮利美利而時行允忠勤於乃職兮合參贊
於維皇系曰於休大人嶽降神兮以訓四方則蒸民兮
謂肅如霜春霽霽兮謂介于石澤沛沛兮謂直如繩與
人同兮謂立如岱變則通兮經為人師舊章率兮受在
吾身知之實兮

招亡友賦

有序

顧子起宗歿三年矣今以庚戌八月某日葬水不容刀
竟成宋遠三板之封未獲親墳是夕也風雨慘厲撫卷

杳然有有無無顧子忽來起而延之神定景絕更寐而
求蟲鳴啾啾燈暗復擢寂無人語起視庭外溼雲東西
欲月欲雨巡宇而呼仰空而歎懷思往昔傷感倍加因
作賦以招之其辭曰

嗚乎噫嘻子胡不來哉精氣結身不鬼而人道出於中
子寧不神哉朝死而仙董鬼辨言越昔之哲疇冠不反
子獨不能還哉太山土伯綈鬼酷巖薜荔攫人舜赤肉
菜嚇愚弄蕙豈於子而敢哉有見於涂笑御申車伊沒
猶靈子之能都子豈神之無哉肆帝式眷隆以賓師九
閻之上左右雲燁其不許子以歸外懿有盤餐朝夕實

難母顏婦寡弟謀已殫秋歎夕雨將泣將歎迺營於家
而反之讓哉走亦窶驅匿江之隅子故未識道非崎嶇
子神虛靈寧不見而是趨哉厥地之北環沱翼哉厥地
之南山如墨哉厥地之東筱蒙蒙哉厥地之西瓦葺齊
哉厥地之門無犬屯哉厥地之室奄且密哉室之疏櫺
柴若櫛哉旋以風簦發即至哉鳩子散霸履我即哉昔
棊馥醇味清逸哉烏荅赭艾錯丹濤哉豕肫毛真筮於
屋哉香稭刈新炊如玉哉宿醅醇良屬可涯哉鴻譚辯
博無人妬哉木牀無塵克棲客哉故籍從衡供檢釋哉
析疑究惑共此夕哉走思疇昔佞僚作哉覲於射官互

粵拿哉同登於豫文式蒙哉凌唐屏宋舊學崇哉走與
子共此表哉櫛緜鉤隱不畏難哉走與子共此專哉喪
齊迭服哀熒熒哉走與子共此鞠凶哉疇曠戶疫食指
殮哉走與子共此艱哉年小氣越介青紫哉走與子共
此自喜哉禰經糾史競為新異互爭而詆相詆不已於
詢譁何不可再哉矣熱席矣棧南閩北朝甄疇析卦寒生
於席於高曠何不如昔哉寺壁岑寂蛩語斷續如飢風
雅評蟲訂木於叙論何不可復哉春煦樹杲雜坐素友
共醉而蹶卽左爾右於豪狂何令其已哉已走之文昔
為流泉今凝雲哉子來為走評哉已走之學化糞而醜

凋作樸哉子來為走成哉已走之志以華為臺質為子
哉子來為走自哉嗚呼噫嘻子胡不來哉

假山石賦 有序

故太守牛公性恬逸雅愛泉石自謂與勞力尋山不若
使山就已與遊於山而盡歷其險阻不若盡括其險阻
使自獻於目中工某以技自神累石作山有峰有壁有
泉有林有池有梁高三尺廣二尺縮一尺對之不異千
百尺之勢江都焦循獲侍其下時夏月矣熱溼風滿襟
塵慮盡滌若遊匡廬恍坐岳鹿退而賦之以志其狀其
辭曰

岑岑者山巉巉者石涓涓者泉盤盤者路密密者林林
藁石白石巖若檐泉注若雨深曲莫測險怪邕叱神遊
目登欲倦且苦冥求人居驚似匿虎俯眠絕顛一寸萬
尺濶亦如掌挺亦如杖銳角鈍支插插槍槍維石之上
孺然蛟轉隕然鰲俯鬼頭犒鼻虬爪犬牙維石之下截
峯偉起離合委墮維石之左流之孖旋鬻列其齒維石
之右瘦若病鵠蒼若舊琴寒寒削削孤峯秀林萬壑含
怒一泉成音維石之南廓拓其張豐郁其色茂密之木
翠填陰塞尖峰倒鉞懸厓橫翼維石之北

象碁賦 有序

世俗貴奕而賤象余怪焉象碁之戲其名著於楚辭古
之通儒多有撰述傳亦古矣厥類止七厥碁止三十有
二厥路每半縱者九橫者五一碁之用變億化萬斜直
錯綜運之不竭若奕者畫三百六十一而更無餘力是
故義蘊若精用思若與小慧之夫可畫其枚象之為術
婦孺農牧無不可能及其至也雖巨儒名賢莫敢自擅
奕難而易象易而難表之為賦以咨識者辭曰

演涿鹿之羶豹布坳野之豺藹杆片鎌之咫尺括千軍
之絲披行或斜而或直用倏正而倏奇各盡其用以衛
一人脅以動而遙擊駟相連而互牽駕雷輻以蔽路練

勁卒以披堅勳長驅以入蔡元拒水而敵秦蘊陰符之
詭譎抱玉帳之幽元勢彭蠡而制敵機疾駭以爭進非
潛思而渺算疇擅譽而號賢何伎窺而謫視久屈鬱而
莫伸

畫賦 有序

庚戌春暮觀獲畫者是物也好鳴而善怒因致符之感
而作賦其辭曰

懿爾好鳴遠近其聲斯足以焚其身懿爾好怒憤積腹
鼓斯足以夷其股大道何為諾諾靡靡畫踞於寂寧越
於隨厥聞無我疇媚其躬寧叩善矜莫與芥蜂揚子斷

要仲孺拍因李范無類雲華以收不過之賞賞可俸求
蚶螻逞口竿承於條其伊何為去去竈竈虛莫之表可
教可遊退藏之族何患何憂蝮溺影而過狡蟲叩頭而
甚柔肆吾形之自適以旦作而昏休

弔松賦有序

余齋閭前松一株先人手植也歷四十年高三丈枝葉
翠鬱挺然無紆曲其所植邱去地數丈樹益高離宅數
核刻本多不若我輩往往指為識馬乙巳先人捐館舍松乃憔悴
不甚茂發迄今三年以漸而死余自外歸家人驚告繞
樹視之淚下沾襟謹陳黍果祭而弔之其辭曰

聞歲寒之可耐兮孰不欽夫後凋何造化之不可測兮
候樵穎而寂寥其荆棘不可與居兮耻溷跡於戎柳柳
主之既逝兮甘身殞於風交懷移根於曩昔勤培溉兮
蓋邱土閱日月兮幾年長支柯兮百尺風吹兮聲謖謖
雲覆兮景旅旅攜尊壺而具蘭肴兮布几筵於其下家
君携抱上坐而抱孫兮先慈擊杖而笑語諸婦奉觴而上
壽兮兄弟兮歌舞斯何如之嘉祥兮人融融而樹蒼
蒼鶴鷗拾爪而夜哭兮凶獨降於吾堂吾堂凶降兮吾
園荒吾園荒兮君葉黃石齏齏兮苔蘚碧草芊芊兮蠟
尾光屋歌歌兮僦他氏竹疎疎兮崩頽牆君其感此而

要仲孺拍回李范無類雲華以收不過之賞實可俸求
蚺螭逞口竿承於條其伊何為去去龜龜虛莫之表可
教可遊退藏之族何患何憂螻蛄影而過狡蟲叩頭而
甚柔肆吾形之自適以旦作而昏休

吊松賦有序

余齋閣前松一株先人手植也歷四十年高三丈枝葉
翠鬱挺然無紆曲其所植邱去地數丈樹蓋高離宅數
里即見此徃徃指為識馬乙巳先人捐館舍松乃憔悴
不甚茂發迄今三年以漸而死余自外歸家人驚告繞
樹視之淚下沾襟謹陳柔果祭而吊之其辭曰

聞歲寒之可耐兮孰不欽夫後凋何造化之不可測兮
候憔悴而寂寥其荆棘不可與居兮耻溷跡於戎柳柳
主之既逝兮甘身殞於夙交懷移根兮曩昔勤培溉兮
蓋邱土閱日月兮幾年長支柯兮百尺風吹兮聲謖謖
雲覆兮景旅旅攜尊壺而具蘭肴兮布几筵於其下家
君據抱上坐而抱孫兮先慈擊杖而笑語諸婦奉觴而上
壽兮兄弟兮歌舞斯何如之嘉祥兮人融融而樹蒼
蒼鶴鷗拾爪而夜哭兮凶獨降於吾堂吾堂凶降兮吾
園荒吾園荒兮君棄黃石剏剏兮苔蘚碧草芊芊兮鬪
尾光屋歌兮儼他氏竹疎疎兮崩頽牆君其感此而

抑鬱兮悲盛衰如此而神愴君神愴兮君乃死予亦人
情兮莫遣此撫摩仰望兮淚如矢松兮松兮長已矣

雕菰集卷二



江都焦循著

荒年雜詩

三月無雨種四月無雨栽昨宵雨若鎬猛至驅塵埃東
鄰摘野蕨西鄰蒔園菜葉黃蟲野蕨根傾頽

采采山上榆榆皮剝已盡采采墓門茅茅根不堪吮千
錢二斗粟百錢二斗糠賣衣買糠食兒女賣牛買粟供
耶孃無牛何以耕無衣何以煨休問何以耕休問何以
煨未必秋冬時一家猶在屋

未死不忍殺已死不必覆出我橐中刀剗彼身中肉瓦
甗燒枯苗煎煎半生熟言羸瘠無脂膏和以山溪藥菰生者

如可救死者亦甘服此即妻與孀一嚼一號哭哭者聲
未收滿體乍寒縮少刻氣亦絕又滿他人腹
稚子啼路旁哀哀歲六七問兒何為啼不食已二日昨
從阿耶來今早阿耶去言去乞水漿置兒卧此處行者
憐其孤攜歸備驅馱餓久腸胃枯不堪任充飢
孤邨苦盜賊相集防不虞鳴鏡出林竹張炬然溪蘆初
昏迄黎明遠近聲相呼攀木坐屋角四顧時彎弧叢棒
有人匿互警施刀鉞一炬草木盡衝烟走雄狐
春作農家子冬為求乞兒豈無百畝田泥土難療飢親
鄰亦如此稱貸將何之久沐 聖朝化穿窬非所思不

聖朝化穿窬非所思

聖朝化穿窬非所思
死猶望長者施一家六七口沿路相追隨亦云
還家耕新菑昨夜北風起老父死高隄稚子凍
斃盡霜雪埋其屍妻子晚辭去不知曾夫誰顛栗卧野
寺衣淺難支持餓死在旦夕名姓孰問知

縣令乘車來省視災與饑蠕蠕村中民匍匐前致詞形
骸骨之語孱弱長官救我呼聲遲長官向民語爾家勿
傷悲一日告大府三日奏 天降有錢買新絮有米炊
香糜事無十日遠少俟無遷移蠕蠕村中民匍匐稱仁
慈拜送長官去相顧形嬉嬉
富人 有長者捐米施餽粥架廠環數畝邑宰坐中屋囑

如可救死者亦甘服此即妻與孀一嚼一號哭哭者聲
未收滿體乍寒縮少刻氣亦絕又滿他人腹

稚子啼路旁哀哀歲六七問兒何為啼不食已二日昨
從阿耶來今早阿耶去言去乞水漿置兒卧此處行者
憐其孤攜歸備驅馱餓久腸胃枯不堪任充飢

孤邨苦盜賊相集防不虞鳴銑出林竹張炬然溪蘆初
昏迄黎明遠近聲相呼攀木坐屋角四顧時彎弧叢棒
有人匿互警施刀鈇一炬草木盡衝烟走雄狐

春作農家子冬為求乞兒豈無百畝田泥土難療飢親
鄰亦如此稱貸將何之久沐 聖朝化穿窬非所思不

甘閉戶死猶望長者施一家六七口沿路相追隨亦云
春月至還家耕新菑昨夜北風起老父死高陲稚子凍
斃盡霜雪埋其屍妻子晚辭去不知曾夫誰顛栗卧野
寺衣淺難支持餓死在旦夕名姓孰問知

縣令乘車來省視災與饑蠕蠕村中民匍匐前致詞形
骸骨之語孱弱長官救我呼聲遶長官向民語爾家勿
傷悲一日告大府三日奏 天降有錢買新絮有米炊
香糜事無十日遠少俟無遷移蠕蠕村中民匍匐稱仁
慈拜送長官去相顧形嬉嬉

富人富長者捐米施餽粥架廠環數畝邑宰坐中屋嚔

啄桑中蠶旁午散南北家有父與母老病久枵腹哀告
給半筐將歸救窮蹙

丙午二月末嚴寒勝殘臘裸體蹲門檐驅之莫容內背
倚相為苗男女任叢雜孰知骨瘠冷不融霜華著肉吹
寒風皮黑若漆痛不覺頭顱如散心如空終但嗚嗚預
鬼泣曉來滿地橫僵蟲昨日死十七八今日死廿三四
荻樁卷如蟻一穴百十殍君不見農夫餓死西原頭鳶
鳥攫腸犬食臂

李貞女詩

古者不室即不父葬不入兆廟無主上殤之後惟大宗

士庶未昏死即腐俞家郎年十五瓦棺只合理園圃如
今立嗣如成人祭薦不絕名載譜子承祀孫繼祖誰之
力歟李貞女貞女二八年父母將別許貞女矢志不
移血淚垂垂語師姆投繯白刃吾所甘恨不捐生入泉
土一死徒傷父母心死者泯沒終無補誓將以妾存吾夫
竟入夫家守貧窶二十喪服除三十操春杵四十殯尊
章五十諸侄撫六十遭凶荒糠糲衣藍縷今年七十稱
稀古白髮飄蕭尚勤苦女而不婦誰之云同心何必生

精刻多、商、伊周之云未嫁義可斷此言迂腐殊齟齬前朝未仕歸
新刻往往慙忽假此語商之伊周之呂吾恐猶羞見此

啄桑中蠶旁午散南北家有父與母老病久朽腹哀告
給半筐將歸救窮蹙

丙午二月末嚴寒勝殘臘裸體蹲門檐驅之莫容內背
倚相為苗男女任叢雜孰知骨瘠冷不融霜華著肉吹
寒風皮黑若漆痛不覺頭顱如散心如空終但嗟嗟預
鬼泣曉來滿地橫僵蟲昨日死十七八今日死廿三四
荻樁卷如蠶一穴百十殍君不見農夫餓死西原頭鳶
鳥攫腸犬食臂

李貞女詩

古者不室即不父葬不入兆廟無主上塲立後惟大宗

士庶未昏死即腐俞家郎年十五瓦棺只合埋園圃如
今立嗣如成人祭薦不絕名載譜子承祀孫繼祖誰之
力歟李貞女貞女二八年父母將別許貞女矢志志不
移血淚垂垂語師妯投繯白刃吾所甘恨不捐生入泉
土一死徒傷父母心死者泯沒終無補誓將以妾存吾夫
竟入夫家守貧窶二十喪服除三十操春杵四十殞尊
章五十諸侄撫六十遭凶荒糠糲衣藍縷今年七十稱
稀古白髮飄蕭尚勤苦女而不婦誰之云同心何必生
同處或云未嫁義可斷此言迂腐殊齟齬前朝未仕歸
新朝往往慙慙假此語商之伊周之呂吾恐猶羞見此

女

已貞女挽歌

貞女者何已氏女張子繼室聘未娶行年十七聞夫凶
前婦遺兒二歲許兩家父母愛惜深未行昏者可從父
再嫁之禮禮所詳貞女大笑周公腐夫面未見穴可同
兒已未懷身可撫柏舟既夫母諒人洒然竟入張家宇
輪三周弓御者誰禭車素白淒秋兩桃夭兮霜烈烈
鴛悵空兮總惟舞婦未成兮母德全撫摩盡瘁忘寒暑
孰知天道不可測檐前老菟啼聲怒臘月雷轟六月水
嬰兒攫去苛於虎懷內珍珠亦已空胸中金石原如堵

青帟獨守夜風清女自甘兮人若苦吾聞貞女幼讀書
女歲閨範皆全睹讀書如此乃真儒不識字兮先與禹
今以戊申十一月痛哉發瘞歸泉土九年節操蕙蘭香
清泉皓月堪為伍借效龍門太史筆丰神描畫遺千古
世有杜夔歌此歌柔面男兒色或沮

姑惡惡

有序

哀枉不申也伶人妻淫畏婦見迫汚之婦拒不從以剪
刃殺於雪中伶人故伺候巨室不知妻淫且衛妻託巨
室屬邑令又以錢賂婦家遂不理也
姑惡惡不敢言姑惡姑惡惡不敢隨姑惡此身既許夫

此身不許姑姑心不念子妾心不念死妾死化作東門
榆東門榆莢稱無姑妾死不化姑惡鳥不言姑惡言姑
好兩親不訟官不追妾陰為之為姑保

趙氏門前杞有序

趙氏子取未久遊於遠方十年妻守無他志書至曰吾
不歸子可以嫁矣婦怨而死

趙氏門前杞青青向溪水君始出門去送君雙之此君
畱青絲纓妾贈昏時纒別時妾十七屈指延一紀歡喜
開君書華華忽飛絮知心執如君信妾未他去知身別
有婦欲妾別有夫趙氏門前杞對此獨躊躇新枝別時

無舊枝今摧枯君猶念妾身妾懷君厚情欲生如情何
欲嫁如情何

周縣丞奴有序

周縣丞奴陳德者越人也臺灣賊起周被執奴左右之
十餘日及周遇害奴奮殺賊賊支解之

主人食者君之祿奴所食者主人粟海隅狂魅興妖氛
主人罵賊義不辱賊羣如鬼團風沙賊刃如霜落喬木
頭顱斷矣聲猶蒼血飛一天滿地內主人行勿速小人
殺賊來追逐

薛荔有序

刺奸吏也以罪流遠方有閱之者作此以告

薛荔哉薛荔薛荔不自疾霖雨寧培難墓門棘訓侯之須

薛荔休怨天南山蒼獮滿後前

轉刺多口薛友及
賣糕婦二名 婦有序

真州蕭氏婦賣糕於市數十年色已衰謝不復如舊

時之名麗川撫軍聞而圖之蓋有感于是也江南士大

夫好事者爭詠其事友人告余余慨然久之亦為之賦

賣糕婦家在真州市頭住昔年十五二十時當壚卓氏

分容姿回頭一笑行人癡桃花失色驄不馳賣糕婦賣

糕日日人如蠅以糕繫姓呼糕名賣糕婦今已老鬢絲

如雪傷秋草秋草春又生秋草春又綠儂顏日就衰漸

遠時人目時人所愛蒲與楊蒲楊柔脆驚朝霜山有巨

柏鬱鬱蒼蒼老鶴盤其顛仙人吸其華昔年有客泛滄

海萬里烟雲片時改朝見青山夕不在珠簾翠幄生黃

蓓賣糕婦爾勿悲爾勿惻畫圖猶作少年色

雲貞行

女子雲貞其夫以罪戍邊寄以書關吏啟之辭深婉嫻

麗有詩人汝墳君子于役之風寶應朱君士彥志之以

詩事可見矣書中有楓亭分手之語共傳為仙遊縣人

也

刺奸吏也以罪流遠方有閱之者作此以告
薜荔哉薜荔薜荔不自疾霖雨寧培難墓門棘訓侯之網
蒼雁擊薜荔休怨天南山蒼獮滿後前

賣饅婦有序

真州蕭氏婦賣饅於市數十年色已衰謝不復如舊
時之名麗川撫軍聞而圖之蓋有感于是也江南士大
夫好事者爭詠其事友人告余余慨然久之亦為之賦
賣饅婦家在真州市頭住昔年十五二十時當壚卓氏
分容姿回頭一笑行人癡桃花失色驄不馳賣饅婦賣
饅日日人如蠅以饅繫姓呼書饅名賣饅婦今已老鬢絲

如雪傷秋草秋草春又生秋草春又綠儂顏日就衰漸
遠時人目時人所愛蒲與楊蒲楊柔脆驚朝霜山有巨
柏鬱鬱蒼蒼老鶴盤其顛仙人吸其華昔年有客泛滄
海萬里烟雲片時改朝見青山夕不在珠簾翠幄生黃
蓓賣饅婦爾勿悲爾勿慙畫圖猶作少年色

雲貞行

女子雲貞其夫以罪戍邊寄以書關吏啟之辭深婉嫻
麗有詩人汝墳君子于役之風寶應朱君士彥志之以
詩事可見矣書中有楓亭分手之語共傳為仙遊縣人
也

郎成伊犁城妾住仙遊縣萬里一封書開書當妾面郎
本武健兒負氣樂勇戰涼秋木葉脫禽肥出沙甸郎騎
青玉帆右挾僕姑箭一發斃雙狼聲名塞人羨郎面獨
如昔年年春夢見

哀小甲有序

小甲某執盜於市盜刺之至死不釋時壬子冬至前十
日也

奉職無貴賤盡忠無顯微茲冬苦不雨盜賊鑽城扉東
家困失米西家篋亡衣城西有小甲發奮獨呀呷夜別
妻與女朝別兄與母我任在驅賊賊擾我色沮幼女啼

牽衣耶出須早歸壯士瞋目怒拂衣去不顧羶笠短後
衫持挺俟邑路慘慘市橋月烈烈衝冠髮一賊伏深巷
擊刺起倉卒壯士未及防白刃飛秋霜身遇十數創格
鬪聲愈張行人遠避匿邏卒失人色天昏朔風黑身死
賊亦得義勇如斯人捐軀得其職以之作將帥孔武報
王國以之作守令循良必堪式焉惜未知書知書者何
如

虎漁吟有序

吹沙小魚俗謂之虎漁湖中人張瓦取之以當蔬菜乙
巳丙午湖水旱涸種類頓絕八九年矣今秋復解衍如

昔足為豐年安樂之象因詠其事

年歉魚頓竭年豐魚復生小物不足記生死關民情憶
昔值荒歲有田無能耕農夫率妻子就食梁與荆荆梁
遠復遠途路嗟難行制府川中來巨艘移新杭居者不
餓死散者歸鄉閔畜牧漸蓄息倉困漸充盈婚嫁締新
特滋衍生孩嬰小者善啼哭大者能趨行驅雞衛糧穀
候門習送迎鄰里具斗酒勸樂相冀自農夫暗垂泣表
苦言難明閨中舊有婦凍死無墳塋膝下舊有子賈姓
他鄉城聚首更何日恨淚空頻頷

惠民阿姊行

有序

惠民縣有殺人一家而火焚其屋者於燼中得一臂一
鉄其女愬諸縣縣不理轉相愬者五年甲寅畢撫軍來
閱案牘知其冤適總督兩湖以是屬繼撫王公廉之果
得被殺狀置前不受理及訊鞠不實者於理國人快之
且壯女之不屈也

阿姊年十九阿弟年十一阿姊咽咽向弟說耶孃慘變
賊潛逸阿姊抱屍臂阿弟持鉄鐮俯伏公堂叫地天長
官大怒聲如裂尔父及母天所失誰與健訟嗟兒來兒
泣不能語姊泣欲語官不許坐兒誣愬筋隸拘與姊持
抱相哀呼姊憤愬於上上官受其狀定案誰能翻冤沈

咎以謗反復悲鳴秋復春形容骨立衣如鶉指天自誓
誓以死大仇不雪吾不已龐娥刺刃終非謀惟望 朝
廷代為理至誠所格天垂閭攬竿鳥雀來雁隼五年疑
獄一朝伸行道之人涕為隕讐人戮阿姊病一孀女子
見天性阿姊歸長官走民冤不理尚誰咎

番薯吟 有序

定海諸生李與占家赤貧謹於奉母投徒數里外每食
必歸食已復至主人怪之詰以故久之乃曰家貧母食
番薯何忍獨飯也學使訪得實表之又給以金始卻不
肯受語以歸養母乃感泣再拜持去

母食米兒食薯母心不豫母食薯兒食米兒能不泣涕
海水洶洶浪泊天中有斯人行獨賢使君與金謝不受
無名得此身之咎使君曰女勿却姑買市中珍歸為贖
母樂李生叩首納金去兩眼紛紛淚如雨

甬江棄婦行 有序

鎮錫海諸生劉赤江棄其妻丁別聘於姜丁歸母家守
志不嫁學師率學中弟子來報於學使者革其衿始劉
父利姜之財姜慕赤江有文名可上進至是姜惡之復
脅劉父毀昏劉父亦悔前事迎丁歸夫婦相泣和好如
初丁之兄允年求復赤江許之國人以為善按其事以

作此歌

阿翁怒阿婦出使君怒青衿失翁不是婦實愛子子與
婦離乃若此東家許女為衿青衿兮衿兮今已矣還尔
英瓊瑤還我金錯刀子衿既革兩婦失阿翁垂涕自羞
慄鄉鄰向翁說此意不難決使君之怒非苛責以婦守
夫不他適婦為誰家矢志堅使君尚尔嘉貞白翁曰兒
驅尔車迎婦歸來還舊廬夫曰婦整尔裾公姑念尔今
伴余歸拜翁姑泣不起為儂不肖貽夫耻夫聽斯言悲
復悲負君之咎予何辭孔雀東南飛化為連理枝昔為
商與參今為琴與琴飛鴉食桑椹相感成好音棄婦歸

使君喜復生之衿何得已過而能改即君子父慈子孝
敦鄉里使君此舉咸稱美

四哀詩

李鍾鈞源有亭

家貧以星命為業謹以事母嚴以課弟敝衣藿食為善
不倦甲寅之秋送余江上以弟相托歸日值君卧病明
日遂死

有道之士不收不求親怡弟立抑又何憂病榻呻吟淹
畱一夕萬苦忍死見弟乃沒蒼蒼昊天速此嘉客草木
向春斯人標格

王準 有序

家於湖北從父於閩就昏江都性情任俠能文章有豪
縱之氣王子就幕南昌遂病病中迫欲見父方及閩而
卒

寂室草長黯黯銷魂唧唧夜語或泣或言別離之夕我
送於門回顧不去永以貌存三年之別頓聞君死聞君
之死又三年矣

顧之達 有序

吳中諸生乙卯秋遇於秦淮水榭中明年自浙至吳至
其書室得觀藏書特校刊列女傳值君病死死數月書

方刊成

抱冲奕奕目光照人鶴作形氣書為性真我識君屋背
城面津丹鉛縱橫誦讀不輟誦讀不輟今輟且絕將旅
吳閩我欲迂行

郎炳 有序

余從阮學士校文山左於萊州濰縣得說經卷闡方田
勾股之理甚悉心契之檢冊僅十幾齣耳未幾沒於濟
南家貧旅櫬頗為傷心

我惟子識子不我聞閱子之文辨特於羣考子之年日
曠時春聞子之死愴然不已子命朝菌吾蹤雪鴻無端

之合造此忡忡

龍山慈孝歌

守將孤土賊起民避賊走鄉里賊縛民割如豕龍山深
兮山有廬賊氛未及姑奔趨朝看龍山雲暮看龍山月
惟求父意歡不計兒心竭何日欖槍星化作飛塵沒飛
塵滿山郭欖槍有時落賊向郭中喧曷少山中索天言
庸俗人間略頃以凶驚易歡樂揭竿張刃到山居不泣
追呼父就縛賊衆多如蠶賊刃白如雪兒言父老軀如
鐵我肉猶肥足咀齧父呼宗祀寧堪絕兒有頭顱莫輕
折父子喧爭向賊說賊羣掩面生悲咽忽然聲嘯出林

中雲黑天昏山石裂木葉狂飛水吠波甲兵十萬鳴金
戈少時聲靜見天霽人蹤寂寂空山阿空山阿賊羣去
孝與慈千秋著題斯室揭君署青松天矯生堂前傳是
當年爭死處一樹仰而立一樹俛而從堂為慈孝堂松
為慈孝松六百年來時代改堂地荒蕪樹何在精英豈
令久沈埋龍山山石生光采慈孝家風世世傳父曰宜
修子曰然屋三楹室二筵慈孝圖慈孝篇丹青畫了貞
石鑄心血壽之二十年嗟乎堂成父不見淋漓涕淚龍
山前龍山前龍山後龍山左龍山右慈孝堂成山不朽

慈竹居

有序

平湖朱孝廉為弼之祖父以兩兄累擊於蜀中閱四十年乾隆乙巳始得赦歸有子一孫五皆婦高教之成立今歲孝廉應禮部試在都心動亟歸而祖母已前卒哀慟不已以石門方君所繪慈竹居圖索人為詩慈竹居者孝廉養祖母處也因其所說述而為詩

弟代兄繫蜀獄婦代夫主家族資兩地薪水足教兒成兒入蜀兒又死孫號哭撫諸孫教且有四十年夫始歸去時雙鬢青歸時霜鬢飛去時兒在抱歸時孫滿惟歸來五載復死別夫死婦病病幾絕徙居北郭間種竹耐霜雪耐霜雪慈竹居阿孫鄉薦登公車去時大母送歸

來不見大母面哀哀血淚垂如線吁嗟乎慈竹居

教刻本多魏三

魏三有序

人魏三兒者善效婦人粧名滿於京師丁未戊

申間余識其面於揚州市中年已三十餘壬戌春余入都魏仍在與諸伶伍年五十三猶效婦人伶之少者多笑侮之未一月頓沒魏少時費用不下鉅萬白金釧盃數篋至此其同輩醜錢二十千買柳巷瘞之聞者為之太息余聞魏性豪有錢每以濟貧士士或賴之成名或曰有選得蜀守者無行李資魏夜至贈以千金守感極閔所欲魏曰願在吾鄉作一好官此皆魏弱冠時事相

平湖朱孝廉為弼之祖父以兩兄累繫於蜀中閱四十年乾隆乙巳始得赦歸有子一孫五皆婦高教之成之今歲孝廉應禮部試在都心動亟歸而祖母已前卒哀慟不已以石門方君所繪慈竹居圖索人為詩慈竹居者孝廉養祖母處也因其所說述而為詩

弟代兄繫蜀獄婦代夫主家族資兩地薪水足教兒成兒入蜀兒又死孫號哭撫諸孫教且有四十年夫始歸去時雙鬢青歸時霜鬢飛去時兒在抱歸時孫滿惟歸來五載復死別夫死婦病病幾絕徙居北郭間種竹耐霜雪耐霜雪慈竹居阿孫鄉薦登公車去時大母送歸

來不見大母面哀哀血淚垂如線吁嗟乎慈竹居

哀魏三有序

蜀中伶人魏三兒者善效婦人粧名滿於京師丁未戊申間余識其面於揚州市中年已三十餘壬戌春余入都魏仍在與諸伶伍年五十三猶效婦人伶之少者多笑侮之未一月頓沒魏少時費用不下鉅萬白金釧盃數篋至此其同輩醜錢二十千買柳巷瘞之聞者為之太息余聞魏性豪有錢每以濟貧士士或賴之成名或曰有選得蜀守者無行李資魏夜至贈以千金守感極問所欲魏曰願在吾鄉作一好官此皆魏弱冠時事相

距盍三十許年也信然亦有足多者
花開人共看花落人共惜未有花開不花落落花莫要
成狼籍可憐如舜顏瞬息霜生鬢可憐火烈光瞬息成
灰燼長安市上少年多自誇十五能嬌歌嬌歌一曲令
人醉縱有金錢不輕至金錢有盡時休使囊無資紅顏
有老時休令顏色衰君不見魏三兒當年照耀長安道
此日風吹墓頭草

琴歌為楊鑑亭作有序

鑑亭以主政謫戍伊犁至是放歸

先生不歸兮殯君之妻兮哺君之兒兮自甘長此別離

兮先生歸來兮

兒郎偉有序

癸亥秋水溢隄壞鳩工修之種以楊柳築者請為歌以
宣其力

築隄築隄莫惜力土嬉水怒塞不得水不避土土失職
兒郎偉築隄築隄莫惜力築隄不成力不息不如速成
歸早食兒郎偉築隄築隄莫惜力阿兄在南我在北與
兄合攏在此刻兒郎偉築隄築隄莫惜力明日風吹雪
如織老父涉之僵且踣兒郎偉

兒郎偉種柳深深易生兒郎偉種柳多生相爭兒郎偉

樂交未立幾傾兒郎偉儻而弛茹結縈兒郎偉侈者節
風不驚兒郎偉岐者北蟲者更兒郎偉高厥本聖厥莖
兒郎偉守勿輟握或擊兒郎偉萌舍下升其情兒郎偉
紹在顛厥力并兒郎偉日寸積月丈盈兒郎偉長若戟
短若纓兒郎偉陰蔽竭利衆行兒郎偉波不溢木長榮
兒郎偉豐年屢稱焉鱗兒郎偉楊柳密湖水平兒郎偉
歲甲子觀厥成

蝗變蚊有序

嘉慶甲子三四月間突有巨蚊齧人相傳蝗卵所化喜
而賦此

蝗來食我粟蚊來食我肉願寧食我肉勿食我粟食肉肉
瘦人尚存粟盡飢寒啼一村田祖有神再拜謝鳴銑擊
鼓翳桑下

黃鳥吟有序

有夫婦販藕者為盜掠盡其財物蒯甲莫肯為力飢餓
夜啼哀不可聞為按其聲而永之時甲子四月

黃鳥自食粟桑扈自食花黃鳥自食花黃鳥自有家南
山穀樹大於屋兩雛呱呱夜投宿火聲大笑出巢顛鬼
鳥如車食人肉肉苦不能食食我巢中花歷過秋霜復
冬雪花上腥紅舌上血黃鳥自食花黃鳥自有家有

不能歸有粟不能飽不願樹生花只願不生鬼車鳥

弔忠毅李將軍詩三首

黑水洋邊黑風起妖渠竄脫將軍死繫馬埋輪竟不歸
化作海上寒潮飛潮去潮來萬騎從咄咄怒與風伯訟
莫招公魂公魂不肯歸來誓為厲鬼殺狂寇寇一日不
靖一日不回

皜皜舟山月齷齷衝冠髮欵欵烈士心矯矯將軍骨骨白

擬殘形標二首

有序

嘉慶戊辰七月有人夢岳神決一囚家婦人擁唾之所

夢因果創發斷首

爾頭不中兮天為之修爾頭不植兮天為之剗
爾既為

爾知畏人兮不知畏天天奪爾魄兮爾頭不全
爾戴爾頭兮爾不知其然

擬古諺

目注日景不見其行目注花苞不見其信肥瘦短長不
知己身

杜弼

昔有杜弼以潔繩物陳之以兵神喪語吃我有狸奴渡食

餐狼籍苔而逐之三返三斤既逐既斤羣鼠乃出終夜
唧唧白晝滿室乃思狸奴求之中野狸奴既歸鼠不敢
下

酒興

一杯有吻蜚蠊二杯甘香勺藥三杯滅滅作惡匪苦無
以甘甘匪懊無以寒寒天道有寒有暑君子或出或處
雨久得霽若親霽久得雨若珍

却梅一首示賣衣者

昔人種梅孤山之側我非不好惜此殘客世多林逋競
買其白我俗未闕不知泉石

友人贈金無所用購木解其半作屋其半作棺或謂
余任達此解之

屋乃生棺棺實死屋用掩腐軀曷悅人目運死想即成
或觀求生幽不明謂一致猶近名

鸚鵡辭有序

李生以紙乞書鸚鵡辭不知何辭也適柘巔鵲巢中二
卵墮色澤青童子曰此鸚鵡卵也作此以貽李生
鸚鵡鸚鵡獨渡獨渡乃鵲之居為爾之屋鵲不爾爭爾
惟雛之鞠爾雛既生啞啞夜鳴爾雛既多不容奈何

湖之魚有序

歲壬申水溢春麥既沒秋又無稻冬十月湖魚頓生一
夫日可得數十頭賴以不飢作湖之魚以紀其盛
湖之魚其魚鱗鱗方之舟之鳩我室家湖之魚其魚鯉
鯉泳之游之偕我婦子豈曰無禾我魚實多豈曰無麥
魚千魚百有魚在苟何患無糧有魚入市何患無裳有
裳不寒有糧不飢既不寒又不飢彼其之子不良何為
既乘其波爰授爾罟昨日號咷今日笑語長官不知尚
賑尚予敬告長官我腹飽矣

筋骨篇

筋骨就衰神魄知本我夢我考康強喜飯我夢我妣笑

言於榻我嬉在側總角而婉兩目驚開音容頓遠輾轉
於牀眠不可穩西風兩耳落葉半尺雞鳴膠膝燈癯月
白我臂風痺左右搖撼白虎嚙人我夜孔劇我同我心
其臭如蘭酣恬不已朝暉引丸駕舟者叟迂我湖于淮
水正溢烟波彌漫北風吹人霜鬢生寒造叟之居於三
十里殺雞為黍見其二子長者吹簫幼者擊鼓飲以清
醕式歌且舞

賣牛

春水曠粵秋水曠禾冬水潦至有牛奈何賣牛買舟射
鴨中流賣牛買罟得鯉於渚牛食山人食水人不魚牛

不鬼

買石

一石七尺吾嫌其孤泛刀於湖盡途之行戴風而趨載
歸四癯如腴如枯如巧如愚如老如稚如同如殊如人
如吾先先茶茶轍轍區區

伊太守挽歌

大清嘉慶十年汀州伊君來守揚州時揚州湖水漲溢

見水不見田一君來撫之州民獲全去邪慝表仁賢吏
不敢撓法民不用詐讓二嘗按部台縣吏數讓旃決旃
爾犯法在不赦下車傳傳自言以薄責省乃愆至今胥

吏恒述斯實太守賢三愚民吃菜事魔小懲謹無良民
不敢復然受君剝者感泣念太守德教不以執迷軀命
捐四君以憂去讀書山中秋水園九年復出用世過揚
州值得暑天體偶不良牀第纏綿消息理未盡遂爾溘
逝長眠五始傳君復任民喜如顛聞君之逝泣涕漣漣
述君故事被之哀絃六嗟乎嗟乎身疾病兮踰里居不
遐棄兮來魚魚期會語兮雷陂廬戒僕夫兮膏墨車倚
樓楫兮臨清渠笑言洽兮雲氣嘘崇樸素兮誅虛徐其
何日兮五月初風雨驟兮煩熱除臨別去兮攬余袪言
不盡兮情有餘七九月葉兮霜天秋送君歸兮江之頭

八 人不見兮江水流
魂歸里兮清名畱
時余好兮心悠悠

與人論詩

未能植籍且為機
岳未能彰澤且為康
樂未能鮑胎且為沈
約顧寧為陵信勿步
詢綽雕鏤易工高
曠難學勿卑齊梁
其格非弱古律之間
實為之齋

雕菰集卷三

江都焦循著

顏光祿作織女寄牽牛詩擬為牽牛答詩

列宿何繁繁配惟予二人天素何淒淒
勸君毋泣然二曜步稷天上帝恩亦頻
君姑事機杼余姑勤力田

壬寅春雨雪十數日不能出客亦不至
轉以詩自娛

錄之得十二首

漬久地自透錢鈍入亦深
梅花抱孤傲植之依石陰
君能遠市味風雪寧相侵
郁郁壘中酒悠悠江上琴
春水煮春茗其味香以輕
瓦溝瀉天液喚僕移瓶罌
受小而要大候忽乃滿盈
浮浸宜早過不過將毋傾

煨茶燒春雪茶烟滿牕牖帶溼然柳枝綠雲儼在手一
啜清風生妙味入胸久阮籍嗟窮途此際復何有
乘飽完書緒心靜因神迷手弛帙自落垂首從斜敝
髀亦何擾葛藟亦何遺觸案頓驚悟神味來遲遲
甲釜久不解城池將爲爲禁汲泉洗枯硯次第除塵氛
泉水淨如鑑頃刻成烏雲烏雲有時散紅日有時曛
霾曠匿蟾魄蕭索苦沈晦挑燈惜膏竭草短復將墜風
聲雜驢嘶雪氣迫狗吠獨坐思古人揶揄知鬼評
驢老怯風雪張頰長悲鳴訥訥向人語黧作求食情寒
哇有野綠裹以鬣中航飽斃健足骨吾將踏新晴

柴門向橋畔漁人繫船立衲被縫羊皮風雪半侵溼掀
須發欵藹凝目待魚集因起得蜺蛤招手喚兒拾
雪密清衣寒泥肥藥田瘠農人志在食吳恤溼襪襖一
家分兩船往來沿沙磧飯熟聞婦呼扣船歸蒨宅
晝晦午若酉樹畔歸寒雅肅肅擲殘雪紛紛飛墨花近
林中掠地將宿先踰華筆多此雅志避之依幽遐
邨人敬社神懸燈若帆席細雨透燈紙燈光混紅白朔
風嘯空野寒星滿春澤婦子喜年豐倚門話今昔
橋下水如夢橋上雪如練人過雪中橋行行赴僧院隔
溪鍾磬清穿林燈火見枯坐懷孤禪天人息交戰

秋水

同此長川流入秋見殊異鷗鷺樂閒靜夫渠歇紅翠平
旦長吏心古今恨人淚莊生多達觀大道此中寄

雨後憶田家景事

猛雨拂炎熱晴光澹天地鳥捷柳下眠邨老理田器欣
欣塍中綠生意滿郊遂白鳥時飛飛小立破平翠
牆破東南隅青青竹與桑呼兒姑編籬其言頊且詳牆
下韭葉肥泥溼蹴易傷無稻腹何果無蔬難進觴
鄰翁扶筇來相見言依依君家園中夢曾貫無遲違入
市二斗餘携將百錢歸阿甥為牙郎言值當尤微

橋畔溪水新遊魚咬芳杜新婦單葛屨結作漁家罟榆
陰生微涼左右蔽尖午稚子牽鳴蟬飛飛怒鄰母

浩歌行飲李氏齋中作

上策或流涕出關或棄繻當時殊自壯其意將如何人
生富貴即無命焉能坐致無趨競得來卿相知何年何
如眼前行樂餘聽天君家有酒香如梅我來豪飲擊瓊
杯座上之客盡豪士懽呼諧謔喧霆雷君不見頊下須
蕭蕭未必蒼仍烏君不見杯中酒長鯨吸盡斟還有鷓
鴒自啄還自呼公卿卑隸皆同朽君家太白曾云尔古
來萬事東流水

北門送客行

朝從北門來莫從北門去來時共一心去時分兩處寒
風著素秋晨雞報旅曙孤蓬草樹間飛行悵神助囊無
綠綺琴欲訴難徑語嗟哉泉下人徘徊發長慮

題吳玉松太史雲除夕遊山圖

忙者何日間閒者何日忙誰道歲云暮舉世宜皇皇俗
喜嚮喧熱君意故冰鐵此遊知無心披圖信風節

題黃宗易縣尉恩長印譜作

雕蟲非壯夫何為事佔畢白骨難千年名字空稱述落
落吳印水春澹澹邦城日為我寫古懷君有刀如筆

題朱敬亭郡丞棧乘查圖

危莫危乘枯查險莫險大海水海水立萬丈波濤殺奇
響孤踪渺何處迷離入烟霧變化看桑田忘機識鷗趣
吁嗟乎天上斗牛分人間吳越路君既之手斗牛茲復
來於揚州試問曲江水曾如天漢流君不見西海之查
星月挂衡陽之查作媿怪查弓查弓豈不靈千年萬年
皮常青查中人聽我一言八月之望織女一日一周朝
在北夕在南查十二歲一周身經乎窳窳之窟耳聆乎
精衛之音窳窳蠕蠕多如蠶精衛啾啾愁不堪查中人
何不乘桂楫泛沙棠紫微帝座光皇皇三台四輔正位

中央君乘雲漢之升氣自東井踰天潢宿閣道繞王良
倚魁柄兮聯文昌從輔弼兮稽首天王查中人切莫效
海上客袖中宜得支機石

丁卯閏二月三日小滄浪亭修禊

滌水出西郭北流成明湖空亭面清漲山色盈四隅春
半草木長未與江南殊岸柳著微綠池鳧乳新雛開標
揖蒼翠遠風吹烟蕪良辰陽春閏中月遙相須使君發
清興少長邀與俱余來詣山左千里馳崎嶇勝會值孫
謝風詠追沂雩聚散寧有常及時宜嬉娛落日滿城堞
長歎沿歸途

佛峪

朝從佛峪遊五步一回曲懸崖愕人意亂石躡馬足
收鐵角雲樹接龍潭綠安得李營邱園之饋凡俗

龍洞

佛峪之西北五里至龍洞仰度不盈尺躋入亦容衆玲
瓏百步餘烟雲任迎送巍巍公子樓的的仙人壑

官柳

聖朝治盜之法法天地不以人治以木治山東劇盜馬
上來橫截客高高莫避夾道青青植楊柳楊柳成衙觸
馬首千里真成草木兵十圍詎出將軍肘天鵝一啄橈

槍落飛鷄食椹民懷樂清陰喜見四方分行人之得曷
人托今年遊跡巾山左車塵十丈春烟鎖舊枝老虎新
枝高舊枝枯之新枝畏新枝舊枝歲相易來者去者日
千百太平已久路塵清樹不邀功自青碧吁嗟予為國
之楨報天子道旁官柳猶如此

香樟

道旁老樟樹不虞霜雪侵幽香作花氣紅葉盈春林三
五聚古墓千百生遙岑下夾絲谿曲時雜青松陰鷓鴣
鳴朝風旅人懷好音當年爨下柶斲作中郎琴柯亭望
不遠秀色開煩襟

烏篷

縮盈二丈餘廣不足五尺采績錯蛟文烏油漫篷席元
衣而繡裳篆車墨其高牖戶時一開秋鱗卻鱗脊

江鯤柱

春從甬江遊海族笑初識鮮荔未獲嘗河魷此當食每
飯索庖厨動疾說寧感枇杷夜官渡春漁師散網或萬里
淨無塵生民樂何極昨聞孫將軍奮勇救海賊

晚泊慈磔

泊舟待潮至倚櫓望山色落日散餘紅陰藹褪微墨一
鳥投遙岑羣艘列比翼今夕餘姚東來朝上虞北

林庚泉歸天長索余詩為母壽

恭人姓熊氏累世簪與纓曾祖澹岡公尚書班六鄉王
父官翰林宇內馳其聲中丞為之父觀察為之兄嫁為
林氏婦夫子司北城御史互相劾吏議當質成阿姑年
既老聞變寧不驚旦夕病危急醫藥須經營囊無一錢
澀膝下聞哀鳴恭人曰已矣旦晝思專精寬者賴以自
病者且更生恭人曰已矣返里偕南行隱居西山西曲
曲湖水縈秋燈課兒讀春雨驅奴耕謝家林下風相對
有餘清乙酉迄丙午家事艱支撐况以歲荒歉阡陌枯
禾杭食指既煩衆生養九闕情有子曰道原豪俠先知

名劍欲天外倚對人肝膽傾得興萬言易放懷千金輕
點滇蜀閩粵萬里吟長征西秦暨東魯往來邛洛京交
友遍天下聲譽喧鋒言慷慨論今古叱咤吞鱸鯨歸來
見慈母藐然如孩嬰孝敬有如此母教知可貞恭人年
七十健不殊生平時誦釋氏書借以怡神明兒輩未可
效戒訓何純誠予今客於越相聚皆豪英主人阮學使
誼為恭人甥庚泉前致詞春莫言歸程五月二日吉上
壽稱兒輩學使述姆德一一符鄉評豔豔坐中客各自
抒華英余綠學使言譜以和琴琴

禹陵

曉出東城闈乘舟探禹穴溪勢極縈紆山色信奇絕紅
垣峙巒曲翠木抱危崖魏魏定石亭石半已經折上有
古篆文撫讀惜摩滅浙東山水清此獨標神烈蹟古氣
即厚心異境乃別古陵名假稱斯地非偽設施施杼曠
懷凜凜執茶箭禹貢昔披讀山經久披閱潛處寄遯思
情性日迂拙

同年哥

自杭州至衢呼舟子曰
同年哥其妻曰同年嫂

同年哥竹皮為笠棧為蓑上灘不得如灘何同嫂人言
十五客顏好容顏今共秋山老家住蘭溪女舖東往來
送客江郎道江郎山接仙霞關行人南去舟空還還時

經過提差處銀鑄擊頭當差去垂頭典賣衣與釵哥問
餘錢嫂不語

江山船

中廣尋有二只盈頭廣周尺一尺胸巨檣十丈尾上喬
男方如牛女儂點上灘技似下灘難秋蚊負山蟻轉丸
下灘技似上灘易雙檣搖搖逐奔騎新杭炊熟客加餐
小犬吠波老豬睡

鸕鳥船

義烏之舟曰鸕鳥兩頭纖纖中亦小遇石塞連努以肩
身有椽衫不校初婺州水狹不容舟賴此長驅入宵窳

或云此類姦宄藏每於月黑行探囊不比大船巧於取
劫掠惟以溫柔鄉君不見西安渡口叫孤雁船頭新立
旌貞坊

由蘭谿至金華道中

終日但紅樹奇觀快初獲迎人發春采萬鶴橫丹額偶
然見蕭疎星星數點赤 王師殺匪苗人血滯戈戟回
轉入隅曲炊烟聚茅宅間有橋柚黃亦雜樓閣碧風雨
起前村胭脂惜狼籍葉盡柏子垂千株遠遙澤乍驚桃
落夜又詫寒梅白

喜舍弟歸自太原

吾弟意脫略有氣無黃金奮往忽甜苦心可形不禁脉
脉遠遊子十載無歸吟高堂互相念夢語喧寒衾閉門
寄妻子對人粧聲喑使人骨肉合因憚風霜假洪流決
曹沛阻滯舟淮陰兩月伴老困笑語消秋鐔才得就京
邸蹤跡占莆參井陘石若鑿初氣橫蕭櫟三更逐驛脚
叱咤防姦壬驅車到陽曲卸任方開襟君整合歡酒我
彈歸去琴素鮮壯游癖山多耐登臨所來為君事事畢
甘浮沈來去六千里往返無機心幽燕少年志束髮久
相欽任俠滿河汾交游誰古今肝膽在澹泊人言空淺
深我昨自太末歲杪還舊林家書適遠至撥火探離音

澹墨無數行道德相規箴自言時悔過詞氣何惜惜我
父昔在日仁義懷瓊琳爭心息雜鷲道力穿重椹蓋棺
窅里論賢愚稱悲忱吾弟得遺意我愧言同岑勉哉勿
蹉跎一蹶艱追尋平渡大河水失足汗牛涔

題黃次和雙橋一石一梅花圖

雙橋之間室如斗我來吟詩索君酒幾年君我江湖走
太翁七十鬚眉白竹杖樓鞵對庭客今來空見階前石
郎君十五神仙骨寒嚼梅花詠明月梅花寂寞郎君沒
題汪飲泉林屋幽居圖
君生廊廟器何以懷山林才遠絕爭意古人多素心我

家南湖南寂寂無塵侵欲招作鄰里晨夕同高吟春鷗
待晴棹寒竹容鳴琴昔年良友約結鄰樓湖陰其人既
已沒舊話難追尋

己亥秋有試隨先君寓居金陵今相隔二十年偶過
試隨先君居屋上金陵
之門水亭籬落如故門中之人無識者感慨既
久而為詩

循年十七時隨父渡江水旅寓秦淮間月餘相習此水
閣宜夕陽山色戴橋市啟櫺唯父呼東望辨青紫是年
歲己亥今年戊午矣偶過昔時門門徑正堪指當時白
髮人俱變紅顏子為問庭前樹言然焉怪彼悲喜各有

澹墨無數行道德相規箴自言時悔過詞氣何惜惜我
父昔在日仁義懷瓊琳爭心息雜鷲道力穿重椹蓋棺
察里論賢愚稱悲忱吾弟得遺意我愧言同岑勉哉勿
蹉跎一蹶難追尋平渡大河水失足汗牛涔

題黃次和雙橋一石一梅花圖

雙橋之間室如斗我來吟詩索君酒幾年君我江湖走
太翁七十鬚眉白竹杖櫻鞋對庭客今來空見階前石
郎君十五神仙骨寒嚼梅花詠明月梅花寂寞郎君沒
題汪飲泉林屋幽居圖
君生廊廟器何以懷山林才遠絕爭意古人多素心我

家南湖南寂寂無塵侵欲招作鄰里晨夕同高吟春鷗
待晴棹寒竹容鳴琴昔年良友約結鄰棲湖陰其人既
已沒舊話難追尋

己亥秋有試隨先君寓居金陵今相隔二十年偶過
舊寓之門水亭籬落如故門中之人無識者感慨既
久積而為詩

循年十七時隨父渡江水旅寓秦淮間月餘相習此水
閣宜夕陽山色戴橋市啟櫺唯父呼東望辨青紫是年
歲己亥今年戊午矣偶過昔時門門徑正堪指當時白
髮人俱變紅顏子為問庭前樹言然焉怪彼悲喜各有

蘊無撥乃不起我心自有悲人心何太喜

歙縣方兩村贈紅豆以詩謝之

與君謀面初贈我相思子人生多別離念念長如此靈
根數畝滋君家故園裏云植百餘年華實乃兼美厥華
霜雪容一縷紅須倚三載實方結林林角相抵實老紅
亦堅又必三年始豈無旦夕成春風熟桃李豈無易合
交瞬息異生死莫謂成之艱樛南非所齒不解長相思
一室自千里

阻風燕磯三病滯下甚劇

前年乙卯秋阻風泊江口假此愜遊志歷徧衆山數今

秋復阻風疾病塞行走臥數蟲鳥音自愧強開口夕夕
怨風烏時時疑岬柳柳枝有折痕別離送未久白門秋
色佳羈留亦天厚人病思室家此外復何有

病愈有作

待月轉風雨寒庭立幽閣移步值枯葉葉破響驚膽百
慮頓消滅叢柯見苛慘

天界寺

昔年展誦青邱詩天界佛寺名乃知洪武創業造此寺
徵僻名士時居之我遊金陵十一次今年始復到此地
壁破猶存龍鳳文門高疑匿狐狸魅草深覓路問村娃

老僧赤脚迎供茶小樹扶疏出檐宇滿階不見辛夷花

自平望之莫山

澗處渺無際窄處兩岸逼一澗間一窄自然成消息我
從平望來岐路入旁側是時冬仲夜水月共一色開隄面
寒漪風氣觸有力烟霧頓蒼茫舟子路不識泊舟菰蘆
中月落水光黑高臥待天明夜永曙久匿夢中間伊呀
舟人喧早食推蓬一遠觀崑山塔在北

邳州渡

邳州渡澗幾丈岸斷橋摧水聲響有船渡人不渡車驅
車欲行仍徐徐水深路沒行不得以錢買路路乃識月

落雞鳴火數叢馬嘶人語烟波中鞭馬上听馬力窮邳
州渡渡實難聞說新來好官府長人掘橋掘者杖

吳玉松太史言刑部戴金溪嘗道僕所著書明日至

鐵廠訪之

四十始入都自怯時閉戶一二舊交外未敢強與伍戴
君久聞名學識貫今古何以知鄙人神交托肝腑我居
柳巷南與君隔數武晨夕可過從嘉言藥愚魯聞君性
在書力學耐辛苦退食即冥探不自知箚組儒生一登
第文章等糞土遂令仕與學判若農與賈子產史之良
博物昔所取長安冠蓋區酬應日旁午勢利誘我心不

絕已如縷何以操吾真舍經莫為主讀律不讀經終非
克舜輔聞知性在書於政豈小補

塵尾

疲驛非驥子附尾多饑蠅幸有塵在手不容頭上騰
與幸無碍卑賤亦自矜好雨東南來晨涼葛不勝既令
塵氣匿又禁炎成蒸放于且酣睡一夢清如冰

泊車邏

人言下水速無如風打頭况以長江船行此運河流車
邏一夜泊白鳥飛如鷗入舟食人血揮去旋復畱開
待天風軒轅垂珠旒片月東方生青草光油油屈指到

家日將及仍逗遛非關人智短造化難強求

鮒魚口

才過靈筋祠又入鮒魚口舍去大船乘小舟一湖菱葉
橫魚鬻兩後湖田早稻肥田邊野鳥見人飛農夫相見
說田事不問長安幾日歸

村居草木詩有序

昔江淹遷謫閩中作草木頌蘇氏園中草木詩亦京師
倡和之作壬戌六月余自都中歸閒處靜觀別有所會
撫時憶昔感從中來亦得十一篇偶同於蘇實非效之
也

客遊亦云倦歸家值長夏槐老舊枝歇新肄復盈把愛
惜不肯修時時墮檐瓦無名青草生參參没人蹀湖莊
遠市城門外無車馬

幼女種秋葵葵生正盈尺葉才鴨脚舒秀立見風格摘
葉令婦烹清香發嫩碧昔人盤中餐難語食肉客吾愛
向日誠開花宜倍惜

竹老笋不豐新篁苦短瘦當牕綠一叢涼氣生晴晝晨
起翻古書陰陰益神秀惜乎高與藜相雜且爭茂持鎌
絕其根蒼耳刺滿袖

去冬程先生貽我茺蘭圖尔雅幾回讀細驗囊中荼吾

村多此物柔蔓綠牆隅晨起度枝葉頗與圖中殊化機
任天地形跡真難拘

臭樹花實香或以名棄之傷哉耳代目抱質空自知衆
惡我必察不令鉄鐵施花開簇紅玉一株數十枝折向
膽瓶中人擬天批姿

護草北堂發見之憂乃忘勺藥不堪贈離畔開青棠南
風來悠悠風中挾幽香靜坐得天性萬物同相羊及時
足怡悅多事懷秋霜

栽柳二十年酬我綠深深主人多遠遊開此溪上陰流
先迅如電人老木成林幻影歲更易舊迹馬追尋打起

枝上惆悵悵煩虛襟

先人好花木手植半零落我憶垂髫時誦讀不知樂
隄外三梅^老風雪破寒萼旁有百尺松孤峻入雲霧枯根不
忍去相思影依約

尚有木蘭樹扶疏勝於昔山茶老而豔初春鬪紅白海
棠有子孫新條抱蘚石六月冢花過翠葉亦清適叢桂
何耽耽^豔寧惟香可摘

吾族聚一村四圍擁喬木屋瓦密相次稻梁家家足迄
今三十春丁口日消蹙雖言命運艱亦為廢耕讀舊屋
無二三檀伐惟存穀

荒園不成武先業未移更自昔無梧桐梧桐多秋聲祖
宗世仁厚接物全春生後人永宜念莫愛朝茵榮良木
自不腐何為口舌爭

阮中丞得陶陵鼎送置焦山邀同人以詩媵之作五

言一首

隄廩鼎之鄉陶陵鼎之國自西而徂東祀事薦鬼食歲
月既久遠漂泊不得息所歷知幾家主人今始得琅環
仙館中摩挲辨古式平湖朱孝廉考古有特識定陶亦
稱陶泝水逕西北將軍大司馬送葬奉上勅定陶共王
陵官厨器不啻此鼎泝所供有據匪私臆魚曰鼎幸哉

得依主人側主人曰百百萬事寧易測我生保護之子
孫難世德萬一鼎失所戒心能無惻焉鼎計久長窮思
周四極焦山江海間卜之蔡食墨筆人諏日吉飭匠備
裝飾置以文木雕衣以古錦織設醴衍嘉賓酬酢日西
晷人各譜新聲工歌壯行色從此鼎入山烟霞自深匿
評議任遊人永勿墮貨殖鼎身廿一鑄鼎蓋卅五刻陳
列非一枚消磨歸朽能悠悠二千載獨傳豈人力寄諸
山之僧晨夕慎瑩拭文王舊鼎存與山同不泐此地無
譁囂相從守元默

田家

春晴未耕作邀我聽新鶯小舟六人坐泛泛隨波行相
去僅二里屈曲成遙程舍舟入蓬室環坐杯頻傾園蔬
味真妙笑傲忘隱名谷風東南來吹雨作寒聲可無阜
隸至歡飲到三更

治平寺

我居湖水南開行水之澳四面波如烟屈曲連僧屋巍
然一殿存佛龕飛蝙蝠破垣倚孤墳棲遲供漁牧僧詐
耐荒寂扁戶去不復鄰家見客來煮水潤枯腹此寺肇
自唐此地本平陸南北為通途千家聚邦族桑田既成
海周環但水複東望露筋祠烟波隔春木孤帆甓社來

泚泚接淮瀆吾居咫尺間踪跡徒鹿鹿今年為此遊自
謂有餘福陰雲連湖波昏黑忽蔽日欲探壁上碑手摩
不能讀

石坊

石坊之墓前樹伐石孤立病瘡任牛摩薰汗任鳥集偶
尔乘小舟曲從小澗入迤邐至墓前向墓謹長揖凝眸
辨坊字字上苔花認葵心郭隱君不仕無官職曾為鄉
飲賓高風重邦邑吾里俗故淳耕讀各安習願勿見異
遷野穉雜嘉粒先民有遺德光輝長熠熠

登甘泉山

南嘗登會稽北亦瞻秦岱惟此甘泉山若彼皆不逮豈
真較彼高近我則偏愛三月既生霸隨意約同輩十里
沿溪行由面達山背野鳥餘春聲青松作間態巍巍靈
雨臺四望日無碍湖光遠接天桑田繡其內金牛一點
烟北固澹如黛前人未品題此山乃韜晦或云斗之精
七峯與天配山神不受諛不中向山諱山根有人家竹
籬聞犬吠

雜草

一月不雜草當門如亂絲呼僮急芟盡莫使稍畱遺
兩至如箭秋夜皆傾欹乃知花本弱賴草相扶持賴草

相扶持多花安用之呼童亦拔去讓月鋪堦墀

夜渡朱家湖迷路入軍家洶

舟子不識湖中路強意勞勞入烟霧家住湖西舟北行
問之不得言其故是時月黑東風狂猛雨如箭斜入艙
魚蕩過波作一陣盤桓欲進悲羊腸草邊漁父正酣夢
簦簪作枕手抱壘此地從無估客來夜靜何為成市關
向前拱手問所在指點垂楊見高墳性定雙眸頓有光
東西南北原無改

奉和董晉卿士錫湖上對月詩

蘆花上榻魚入几漁舟艤泊柴門裏三十六陂連一湖

對月吟詩董夫子夫子家是毘陵人一經授受未湖濱
盈虛欲向望舒問瀕洞忽逢馮夷噴蟾光四布無遮障
琉璃一色鋪秋浪閒時放艇老樹顛稻田茅屋居其下
吾家住此五百年屢遷異漲居不遷湖中風俗舊淳厚
吾田雖沒吾天全湖上使年年蕩洪水波光月色明千里
續君高歌別有哀人心風浪何時已

先人手植山茶向時左畔生一小株二十年高五尺
許矣其右又生一株越五六年高二尺今春開花殊
可人意

誰謂難養如其蕃不惟有子兼見孫大者高過屋次者

齊牆垣小者二尺許艷艷連一根稱爲兒女花信乎非
浮言今春春寒放花晚左枝先發隨朝暎杏花已落柳
花白倏然棘幹堆盈盆或云此種號鐵殼兩花儷足聯
雙滿他種花期可人力惟茲開落皆天恩永昌二芳記
其盛品題我亦符南園得居犀甲任比例後凋宜同松
柏論萬物多態即多媚此花深厚能久存初開適丁海
棠醉未後尚及紅藥翻風雨摧折侑滿地顏色不泥苔
蘇痕古人愛菊愛蓮不知此太息對花浮清尊

賣花人以野卉一叢見遺衣類牽牛葉似杏而有齒
伊云紫金鐘核之乃桔梗花耳

日日販藥餐草根見花見葉不相識花傭詭譎隱真名
檢徧神農經乃得市人但說形色奇豈知治肺有神力
凭闌對花拭倦目隱見無常諺花獨市中女子知韓康
階下壘因辨張祿射策空傳任賢輝吟詩那有羅公福
叢竹中植紅薇十數本長夏盛開

春花多豔不能久秋花能久豔不足夏日烈烈赫如矣
海棠桃李葉銷綠紅薇梢頭初破紅輕綃縞出搖薰風
七縷斜牽一跌繫別致不與凡花同我品衆花此第一
奇麗鮮柔靜雅逸生長籬落知者誰野女攀折老捷齧
鄭重移來修竹間幾叢絳雪翠雲環木榻亭回枯眼豁

茗椀烟細午心閒
心閒眼豁疎闌畔
日影東移啼鳥換
眼誦樊南集裏詩
一樹濃姿獨來看

讀易有悟忽聞竹中鳥聲

盈虛消息相為根
自然升降無有痕
酷熱不雨萬牛喘
獨臥北牕無人門
鳥托修篁不知暑
呢呢嬌啼小兒女
竹牀茶竈午風清
拋卷移神聽爾語
天機乙乙靜中生
不辨辨之旁通情
彼適作聲此適聽
清濁乖厲皆時行
昨閱陰符及莊老
迹象幽玄趣枯槁
抱一終為一
吾鈞牢籠萬態惟蒼顛

擬古三首

絲黑不復白
髮白不復黑
去日積何處
流光不知息
攷攷讀道書
或晒費日力
冥思入三微
苦志逐五賊
乘墮義弗克
惟因乃反則

蕊繁發華小
葉盛成實稀
造化有消息
君子宜知幾
富貴徒百年
子孫嗟式微
淵哉札八兒
獨能明其機
根本辨澆厚
情性何是非

雪明不若月月白
不若雪雪白
乃易緇
月明恒見缺
優優惟大園
萬物有無別
隨性為浮沈
權境變酒血
鄭圃禦寇居
東海魯連節
固哉擢駒株
硜硜石之斫

兩君詠 有序

江都黃春谷承吉甘泉李濱石鍾泗年相若才器亦同
皆善余乾隆壬子癸丑間時共詩酒晨夕相見乙卯後
余餉口四方踪跡少疎闊然歸則必聚嘉慶辛酉余與
濱石同舉於鄉乙丑余丁內艱旋以病自廢而春谷於
是年成進士作令於粵西之蒼城濱石以丁卯春入都
落魄不能返今年沒於京邸春谷亦以事罷官聞而慨
之作兩君詠

造化鑄詩魄一官遠南征南方多木客其吟幽且清簿
書日力餘唱和成奇聲五載悵離別幻念增遙情灘江
春悠悠為君籌歸程糠糲殊自慚離索安農耕懷人向

湖月矯首時孤鳴幸哉何易于可之揚其名柳州文自
雄遷謫寧為榮歸來作詩人壇坫無圭盟相對鬢如雪
雄辯猶平生

右春谷

君死在今夏死別當前春君志邁鵬鷲我病羞遠邇晨
夕昔與共存歿今殊倫一棺二千里家世徒清貧孤雛
未識字伶仃稀昏妯旅魂長不歸跋涉錄何因我生善
齟齬君我獨相親尊親白髮垂難素為我陳尤與阿兄
好阿兄天且仁江南草樹秋送我江之濱吾弟弱好弄
勿憚口舌頻歸來阿兄歿雁影孤風塵壬戌同北征抵

足棲雙輪鈴聲晃燈影歌泣皆天真夜起憶往事矍矍
須向晨公達果先亡門戶依何人

右濱石

足疾

水涌夏不暑賊寒寇我足時學野鷺奉僕僮一水曲悲
哉褚彥回不見邱靈鞠

題阮梅叔珠湖漁隱圖

十里狀若掌草堂在巨擘四面圍湖波一錢達方宅山
先入樓蒼帆影障樹白左右多漁家往來但田客本無
車馬喧洶手塵蹶隔

古者士大夫子弟授田耕責者不忘賤耕者豈不榮與
為執紼兒願寧為鄉曲英兄貴弟驕伏識者議為儉兄貴
弟隱退舉世稱錚錚非真好漁釣少豈無宦情方在田
野間凜凜時戒盈虛求學業積出輔大化成所懷在道
義賦畝猶簪纓

記得一首哭汪孝嬰

記得秦淮上與君初結交君思入淵篠余性非勤鈔避
近臭味合情誼因投膠記得歲丁巳與君各家居探蹟
析疑滯千里憑尺書記得長江頭阻風維客舟君從蘆
中來月上方如鉤記得余在京君向六安去有客賞書

來超超見元著知君學力深孤詣絕欣助君身清且羸
歐心為君慮記得癸亥秋課農納禾稼君騎匹馬來訪
我田間舍記得丙寅春初月二日吉君來十日留紵言
集一室放船風雪中清興適古逸是年余在城與君隔
數武記得余注易得即貢君覩君為施丹黃直諒判去
取是年夏秋間君往測海水記得與君別送君東門市
明年君入都信宿揚州城晤君一夕譚明日君長行君
主大金吾進君脩國史書成授校官吾聞為君喜記
得君書來示我黃山記云得王孫鍋辨識古篆字明年
又書來追溯昔年事漉酒烹魚鱗嘉貺念亡弟亡弟墓

草生沒世已五歲記得開君書茺蘭橫泗涕癸酉秋試
後余季偕君來余以脚下痛相見遂遲徊孰知返棹去
未幾歸泉臺泉臺歸一載余尚未聞知間有凶信傳言
余尚疑績溪胡孝廉竹邨君高足狀君上史館移書向
余屬開讀胡君書悲君真不祿親老兒幼孤何以繼體
術官冷况清高瓶中久無粟脉脉為君思淒淒為君哭
從此秦淮水思君不忍遊從此豆花下蟲語聲啾啾思
君對飲此不忍獨特甌思君風雪中不忍泛輕舟不忍
開舊笥愁見君手跡不忍上小亭上有君書額記得前
年書問我注周易周易稿未成稿成用請益今年稿寫

成何處續君魄君魄果續手燈花夜幽碧

冬日雜吟九首

牕外曜靈發几上蘭膏眇引扇息蘭膏滿室見天曉攝
衣出庭除天光動雲表友犬鳴庭葉儂雀鬪霜篠亭宇
方罷餐餘霞上林杪

乘車赴寒垌道旁陳人宅歲月稽栝樅富貴擊碑石游
魂蘇何之假借著形迹形迹焉久存青青生宿麥

古墓犁為田古田築為墓消息如川流逝者誰能駐村
媪無是非抵掌話今古村老無禮儀酌酒辨賓主捆藁
障隙風倚柯運齊斧計歲為糴殮方寸絕城府隨序樂

有餘自食力勤苦

勤苦在祖父游惰在子孫粗糲日以厭視聽日以昏既
耻樸陋見鮮服行市門市門無藉多交結為攀援惟詡
飲博豪不聞田舍言田舍一朝盡單子無糴殮

儒者崇空虛聚徒說心性考民亦效之左道干法令食
芹莫食蛭食蛭生病病率儒真率魔事魔絕身命大道
若路然孝弟重百行烹肉養尊親殷殷告冢姓

有客遊京師謁選將親民間我將親民親民將矣先我
久事躬耕所悉惟耕田植苗須及早鋤耨莫待老耨老
良苗稀植早粒堅好養樹當奉條教兒當懷抱

負販不得意白頭為蒙師茅堂俸背入牕紙明朝曦童
子六七人課餘相為炊瓦釜燒枯桑一屋春熙熙珠盤
粟未習雜^字券荊宜捫蠶誨不倦安用風雲詞
白雲霽寒月開門乍翹首不見雲東行却道月西走長
河已西落無復算與斗參代車南檐肅氣生紫口
夜永不肯寐秉燭觀短書神鬼雖寓言感人何悽如經
史殊謹嚴難以徧里閭著述重懲勸苛細分誠虛擁衾
念疇昔親故未徐徐叙論猶平生形骸未覺疏雞鳴高
樹顛驚曙增欷噓

冬暖作

風輕聽冰墜雨簡見沙斑渾是二三月却忘四九天袒
裘摘梅葉開帘放爐烟草綠竹籬下日赤紙牕邊太歲
度尚賸青陽驛疾還前夕凍方滿今晨雪未慳嚴肅頓
消斂和仁並昭宣愚儒辨勝復天意重生全罔魚延飢
歲種粵耕荒田

後湖觀打魚歌

秦淮水淺白魚貴主人為客具鮮味賭酒樓前客醉多
打魚湖上人歸未昨日雞鳴山寺登北牕開共老僧寒
蓮葉田田雜漁艇蟬蛸易行苔陸

雕菰集卷四



江都焦循著

春日新晴

雨歇楊橋後春從晴處加元駒歸砌穴黃犢卧檐牙燕
捉風中絮魚吞水上花鶻蕭聲喚過牕外夕陽斜

己亥金陵道中

紛紜蝠燕競如何只有秋光極目多水向客船飛白馬
山近人面點青螺六朝故蹟千年在百里寒江半日過
一枕西風吹入鬢晚來壯氣幾消磨

九日

此日宜持吏部螯吾家贖得是牢騷人非陶令何須菊

詩勝劉郎不在糕兩岬風聲催鳩粟一天霜影醉溪毛
藥爐茶竈蕭條甚枯坐頻將短髻梳

姚仁和百歲

誰訝雞窠事未真村中已有百年身能譚三世以前事
不見少時相與人短髻插花猶帶黑布袍補線却安貧
竹簾到處春風暖坊表宜邀帝澤新

戊申元旦

絲雞蠟燕俗相仍備物吾家笑未嘗老去梅花多似叟
薤殘柳樹半成僧經綸嬾話晁家令風采誰摹張季鷹
兩甕屠蘇十日醉醅醕也博酒徒稱

訪鍾保岐

懷

離羣何自滌疵瑕訪友城闈夕照斜滿案亂書同我癖
近門秋柳識君家信知著作身堪等須趁頭顱髻未華
為問鏗鏗說經語可能分與伏虔車

春詩

鍾懷

久欽著述足三餘未許登龍轉悵如前日幸未張霸
宅有人取去茂陵書一韻饋後還應速十艇將時望
豈虛若得石倉窺秣與焚香濯露開門舍

舟行

江南又秋矣來此亦何依仰聽百帆嘯眠看兩岸飛蕭

蕭客中琴浙浙肩上衣啟總望山色夕陽淋翠微

題攝山僧寺壁

所為本雞肋來斯意豈枯石雷雷影靜松護月痕孤豈
尚擊凡念殊堪息病軀佛龕燈火碧長坐對檐龕

哭顧超宗

翹首徒然問太虛思君幾次淚沾裾一生辛苦但謀口
半死沈吟猶讀書果是吳囊病昌谷恨無遺頌出相如
早知才大嬰天妬也卧湖濱作老漁
十年相處作文遊死後丰神想處雷傲物每張青白眼
養親時作宿梁謀更無謹論未雙耳尚有譏言到九幽

自是眾人皆欲報而今猶未慍心不

輿尸兩世尤堪痛白髮衰親正倚半榻殘燈橫病骨一
湖寒水隔秋魂縱然命蹇何應死說到名傳豈易言鄭
有道碑吾不愧文章今且為君論

寄阮芸臺孝廉

人生不易聚相念為多疎四五年前面三千里外書期
願山上鯨富貴水中直努力奉傳述此堪比太虛

江邨二首寄城中諸子

舊橐攜來兩卷經江邨聊自寄吾形風催帆月流腮白
雨帶山烟入硯青書永只聞群雀語林深時有片雲停

年來益老漁樵性愛傍幽閒自醉醒
橋竹林花絕市塵又因坐靜覺情生大江來去舟何定
良友別離杯獨擎屋上鳩聲愁夜雨梁間燕子愛新晴
幾時共買平山棹盡取詩人一一評

嘔血

病魅何為忽我侵丹霞冉冉出胸襟為多輾轉猶難死
別有膏肓尚未鍼不見項癭成左癖幾人身痿作書淫
山妻對此休驚怪紙上編爛吐到今

答朱休臣

從來杜母重知名慚愧齊竽逐隊行狗曲怒嘗逢博士

龍頭白敢壓彌明聞雞野店君先舞種樹重堂我未成
莫道珠光為科目秀才胸次有蒼生

原作

朱士彥

租驢博士鎮相逢被酒何人識乃公坐擁百城胸列
宿行吟七字氣成虹大兒文舉今安在老子韓非傳
許同甕社蚌珠知意相期攜手鳳池東

內人三十

鴻萊風味可追尋聊向秋花酒共斟七八年來忘我困
三千卷裏記君心內人賣釵珥
買書百餘種綠葵紫萸勞烹飪布襪棉
裘費剪絳為笑良人多賤肯不妨姑效白頭吟

秋居

田事已半畢秋居知適然
豆稀遙見兔柳落靜聞蟬
爽氣開眉宇關心生暮天
自甘陶令拙才效子雲元

枯坐

枯坐識物理吾知寧有涯
鳥飛鵝閃日魚上水生花
勞瘁覺仕路清虛憶道家
聖人難謬托吾自擊匏瓜

董子祠

時兩淮鹽院董公椿新修

甍瓦碧參差巍巍董相祠
學超三傳外鬼辯六朝時
幔古飛仙蝠廊空穴細紙
昨聞檄修葺遠通慕經師

琴

吟到無聲處心平指亦柔
舉頭顰滿月傾耳室生秋
至味詎難得俗懷終遠不
鄰人發深省獨起坐寒樓

老将

百戰功成後將軍已面白頭
袒衣觀箭迹把酒話兵謀
塞骨悲同伴山碑聽永留
封侯少年志疎雨灑橋秋

贈邱縣劉松嵐明府

忘畫宰官身風流賀季真
詩情山石瘦人意水雲春
值此太平世皆為堯舜民
無容效龔遂談笑即經綸

秋暮

秋暮日半落暝光上竹亭
蕭疎風後葉明滅雨中螢
獨

坐向階砌冥思得性靈五年斷杯酒今夜覺初醒
雞鳴寺

山頂結伽藍登臨性所耽一湖低檻北萬竈疊腮南鬼
嘯臺邊石僧眠閣外龕鍾聲鳴不住日影下烟嵐

大疫室人幾死弟復感之不寐作此

壺內三更盡胸中百感消劍寒謀殺鬼樹落怯鳴梟仗
酒謝愁鬱攤書作寂寥連朝陰雨溼倚壁坐秋宵

追詠九日二首

九日過不覺于茲已二旬茱萸空入藥雞犬自成春病
骨幸能健荒年豈獨負醉醒皆野馬無酒亦何嗔

歲厄逢陽九唐虞固值之疫深驚夜哭穫少慮春飢案
有書堪讀胸知命不移桓家本無故馬用入山為

幽居二首

幽居怯拜迎獨處正怡情對雨琴聲暗看花酒念生簷
光尚殘臘詩思欲新晴漫道隨時樂非真即好名
病後惟嗜靜閨中亦廢經佃農知候雨兒女競譚星細
鳥無端聚垂楊有意青學疎鳥是用未敢志公廷

露筋祠

曉開八閘鋪莫宿露筋祠此去一千里離家十二時冰
聲過船激燈影出林遲高卧待春色小邨霜滿衣

汜水

秦郵過未了汜水石堤邊湖鳥下寒堡村危吠夜船苦
吟得新句微醉覓高眠為不離鄉慣攀攀客夢牽

漁溝

漁溝三十里南望隔河濱候影出寒樹車聲入暮塵平原
任馳目陰壑未知春道上多豪客揚鞭不問人

陰平

曉入陰道平行行正早春度溪鞭馬急計里讀碑頻舊俗
憶鄒魯荒墳辨漢秦嶧山過不盡日影落寒津

西狂

四圍山色裏小道入東昌碎石鋪為屋枯苗疊作林
風燈影亂回亭橈聲長布被眠方穩驢車催又忙

長山途中寒食

細雨密濛濛斜從撲面風不堪寒食節况又客途中草
襯新墳碧花攢遠堠紅青州明日到酌酒奠喬公謂橋友

同作

孫韶

七度逢寒食勞勞總客中人行滄海右夢繞大江東
河馬蕭蕭雨春衣側側風小山桃李在應傍故隄紅

青州五首

駝山高入海雲中地轄三齊本自雄古冶墓寒春草瘦

蒲姑城晚夕陽紅千年遺事餘鴻爪萬里浮光到馬瞳
昨夜老楸花下宿夢魂何處覓愚公

丞相園亭鎖院西雲門山色遠成隄苔堦木老龍蛇卧
石洞烟深鼠雀迷國有名儒平衆議家多令嗣與人齊
白羊青草渾閒事舊話傳來共品題

籬下何人肯寄居停車再拜趙公廬牧之自不宗長慶
康樂真能創永初此日河淮流正合當年蠻觸戰無餘
寫神刻骨俱千古太息談龍一卷書

偃師奇士老經生葵菟蕭條駐此城北里頓消淫女曲
南牆誰買令君名指揮渤海翻波色譁笑牛山落葉聲

我為懷人尋往事范公祠外祝鳩鳴

顏監文章脈未刪掄才喜值趙閑閑靈虵珠老俱盈網
赤豹春深盡露斑客夢昨蒙金嶺鎖車塵遙望秣陵關
壯遊明日蓬萊去又與仙人共往還

登州雜詩四首

車驅千里外地極九州東平朔月痕見當頭斗柄中風
聲喧日夜蜃氣出青紅欲拜田橫客凄凄墓草叢

海氣作寒烟登州四月天大魚鮮入骨高樹綠猶奉夜
火烏狐成腥風黑虎泉三更人語寂坐擁舊青氊

地僻濱於海民風益見聞喪冠常日戴僵骨早年焚婦

女都能織生徒半善文當年轅博士詩教有餘薰
聞道蓬萊上金銀舊有臺白雲仙市令黑豆賈帆未與
色連朝霧濤聲走迅雷登臨一憑眺搔首獨徘徊

江定甫贈刀作詩酬之

孟勞聲裏見霜鋒練影森森出數重有客丁寧休鍛鶴
幾年辛苦學雕龍武城難授傳良吏渤海牛眠羨老農
我乏瓊瑤酬未得敢裘羸馬鎮相從

答詩

江安

南州無夢入中宵折盡歸心客思遙持贈意無文
隱善藏語愧漆園超百金我豈勞裝飾七字君真費

鑿凋送裏寒芒飛去後却添麗白勝瓊瑤

寒亭

千里黃腫路寒亭兩度過封疆判齊紀爭戰始澆戈樹
起風中嘯沙翻月下波登臺覓碑石撫字一摩挲

阮學使招馬秋藥比部徐惕菴太守顏運生教授孫
阮學使招馬以句致刻今不暇余小滄浪亭雅集

同

招荻肥船路狹柳靜馬聲遙卷

慢心愈潤看山酒易消漁洋佳會地風味至今饒
勝地至已熟茲未實過常詩圖堪效呂序稿合鴉王自
愧秋暉附真教夢度忘還家話晨夕盛事擁江鄉

女都能織生徒半善文當年轅博士詩教有餘薰
聞道蓬萊上金銀舊有臺白雲仙市令黑豆賈帆來嶼
色連朝霧濤聲走迅雷登臨一蹙眦搔首獨徘徊

江定甫贈刀作詩酬之

孟勞聲裏見霜鋒練影森森出數重有客丁寧休鍛鶴
幾年辛苦學雕龍武城雞授傳良吏渤海牛眠羨老農
我乏瓊瑤酬未得敢裘羸馬鎮相從

答詩

江安

南州無夢入中宵折盡歸心客思遙持贈意無文
隱善藏語愧漆園超百金我豈勞裝飾七字君真費

鑿瑤送裏寒芒飛去後却添麗白勝瓊瑤

寒亭

千里黃腫路寒亭兩度過封疆判齋紀爭戰始澆戈樹
起風中嘯沙翻月下波登臺覓碑石撫字一摩挲

阮學使招馬秋藥比部徐惕菴太守顏運生教授孫
蓮水江定甫兩文學暨余小滄浪亭雅集

渤海方歸日明湖復見招荻肥船路狹柳靜馬聲遙卷
幔心愈潤看山酒易消漁洋佳會地風味至今饒
勝地至已熟茲未實過常詩圖堪效呂序稿合購王自
愧秋悞附真教夢度忘還家話晨夕盛事擁江鄉

半城

飯罷青駝寺行行宿半城石危窮馬力谷遠滿車聲遠
樹藏村店官檄紀客程抵家期可計山月伴三更

紅葉

老杜休吟玉露凋開看紅葉過紅橋轉日霜信添濃麗

誰為秋山破寂寥牆角又迷春後眼江頭時趁晚來潮

哀年庾信悲揮落到此文章色倍饒

簾舍漁莊小徑通寒山如火欲燒空桃源隱約溪光外

雅墨分明夕照中何到殘秋纔炫目不妨幾日又驚風

盈虛無定幾天地一度飄零一度紅

落葉

高勢不可住紛紛辭故枝委形修竹裏回首落花中時鶴

脛朝雷響蟲窠冷挂絳隔溪蕭寺外有客動秋思

西湖四首

清波門外曉嫩紅路轉幽蹊一綫通野鶴乍飛仙塔隙

寒危遙吠殞宮叢好探小李臨摹本還憶髯蘇濬築功

行過六橋烟柳畔湖光山色總空濛

稽首焚香滿市蹊三天竺寺禮菩提樓觀面面山無縫

泉出津津地有臍巒角殘磚隋創造巖安老石宗鏤題

此間聞達韜光路欲向烟蘿帶月躋

文瀾高閣接天衢澹澹春風繞四隅屋外鍾聲隨巷曲
簾前苔色著衣無竹從樹杪山俱見坐對藤陰鳥不呼
萬卷琳琅堪借讀客中未與故鄉殊
幾處高峰獨隔亂雲西冷橋下碧波分梅花十里畝彌陀
宅柏樹千章宰相墳石骨似蟄業遠度檣聲如雁入殘
曠太平喜逐登臨樂管領湖山仗使君

雪後泛舟

錢塘新雪後放棹入空濛山水連天白樓臺出樹紅寒
光動羣鷺暝色逐孤蓬橋畔林逋墓年年向晚風

生日有作

半生何事可追尋亂緒難教繫寸陰竟日笑歌良友誼
他鄉起臥老親心寒山無意隨春綠旅雁多聲入夜沈
不效文泉作文冢囊中賸有伯牙琴

和詩

汪光燧

宛委藏書跡可尋遊踪天許到山陰六星却應文昌

宿二月三日為文昌神誕日里堂適與同日萬卷能傳博士心略比坡仙記鈔藪

不徒詹尹問升沈客相對誰知己只有松弦舊館琴

里堂善數琴字松弦館譜

從阮學使按試寧波和學使呈諸友原韻

昨佐論文魯道回之江又聽角聲催自慚鐵硯空磨畫

且喜雲山飽看來已信冰心作山立敢將枯眼隔紗開
鄞中二萬稱先覺授受從知有異才

送人歸東吳

錢塘東渡幾聯林君見飛花忽憶鄉風雨一春寒客夢
湖山千里重詩囊鐘聲隱隱吳城近帆影悠悠越水長
八月重來共秋禊海神祠外晚潮涼

湖州吊吳茵次太守

梅蘇之後見先生魚鳥江湖老性情百畝蒲蓮鄰赤岸
三年冠蓋客烏程先生以康熙四
年守湖七年罷道場山遠浮秋舫墨妙亭
空吊晚鶯賴有詩詞著遺迹故園回首鍛烟橫

七里瀨登子陵釣臺

夾岸曉烟開清晨泛棹來嶂隨舟尾合波讓石根回纜
影爭飛鳥灘聲覺遠雷雪泥誰有跡惆悵子雲臺

出七里瀨行建德道中

十里出嚴瀨高寬見地天水奔當石之山遠入隄全同
望但烟霧遙詢得市廛黃昏大羊鋪燈火百家連

過蘭溪至蘿菴灘

曉發蘭溪色灘流淺若斯寸進移病屨家力嘯狂鳴利
涉見耒耜畏難呼左之誰家樂秋穫確齒聽遲遲

過帽頭灘至龍游

潭深舟力通此際樂無窮野塔亂帆白枯山分樹紅間
心寄灘鷺暝色帶秋虹為念親身健搖搖短夢中

人日立春汪比部對琴先生棟會郡中諸老輩賦詩

屠余步韻

綠楊春接兩家宜吹到晴光澹碧滋華髮正簪諸子勝
草堂已滿故人詩幾年憔悴慚佳節前輩風流稱盛時
四海融融開壽域更誰甘學病友誰

丁巳十二月立春前一日小集李冠三周南寸草齋

中同詠者十三人

竟日泥鉛槧不如擎酒杯友朋悵新舊歲月忽違回寸

草齋方葺寒梅花正開有懷不動息誰剪北山萊

快園雅集詩

廿年困行役慚附入仙群譚藝各心得問名皆昔聞古
今存勝地聚散感浮雲奮為主人醉蒼蒼曙色分

秋夕晚靜閣聽琴

琴聲在秋閣秋弦生孤春傾聽亦饒客幽寂如無人叢
蕉戰紅粟老梧成碧鄰隔隱罷碁角爭念非天真

題吳縣孫蔚堂花南老屋填詞圖并懷李尚之

昔日秦淮水三年異淺深花南老詞客秋邸獨相尋示
我讀書處有人同素心尚之近多故莫對作哀吟

歲乙卯熊桂卿邀同人於塔影園為文酒之會今三
年矣桂卿復修前事人倍於昔而舊日同人則沒者
與未至者居其半不踐賦詩感而及此即以寄凌二

仲子

塔影湖光並宛然浮生何境不雲烟頓從譁笑生悲思
轉為交游勝昔年宿草誰澆當席酒鯉魚聊寄隔江箋
遙思仲子宣城署獨把秋豪著太元

楊都尉大壯移鎮安慶有書來作此以答

手種村邊木冬來綠更深幾時殘前約居此共高吟著
述儒生業功名壯士心 朝廷方重用未許入山林

足痺

生平不食廩何故足痺如人道昔元晏嘗因痿著書懺
躬糾過切擁被入思徐莫向村鄰說衰親老病餘

燕磯阻風

幾日石尤風蕭蕭蘆荻叢揚州在何處愁望白波中遊
興昨猶動歸心客盡同誰能如燕子飛到蜀岡東

同作

葉觀廷

燕子磯邊泊檣鳥一望中無端三日住猶幸幾人同
高嶺衙西日空江卷北風游蹤隨地轉漫道不如蓬
辛酉元旦登吳山第一峯

今年第一日來登第一峯春光何地早客興此時濃風
協卜秋熟浪恬銷海峰吾家世耕讀願作太平農

和詩

李銳

吳山最高處杖策試登臨活水自空濶浮雲成古今
與君一載別同抱百年心展卷殷勤讀深情寄短吟

顧庶圻

景物憑詩寫江天本畫成深情生遠眺雅抱在躬耕
憐我今為客頻年住此城空持登覽意又閱一春晴

陳鴻壽

絕頂捫蘿上君真第一流胸中春自滿天際客同遊

寒雨殘年盡晴烟曉郭浮東西覽湖海別有最高樓

羅永符

直上三千級同遊六七人雲開滄海日香透古梅春
臘雪殘年盡晴光早歲新會當費蠟屐一躡謝公塵

許珩

不知春意早臨眺自欣然湖海來新色風光隔舊年
豪情千嶂上詩思百夜前我亦憑登覽輸君一日先

開總

較刻本多

阮起碧軒東看雨飛天外招春入座中硯

和僧墨易松老作衣紅昨夜家書至慈親樂正融

今年第一日來登第一峯春光何地早客興此時濃風
協卜秋熟浪恬銷海峰吾家世耕讀願作太平農

和詩

李銳

吳山最高處杖策試登臨活水自空濶浮雲成古今
與君一載別同抱百年心展卷殷勤讀深情寄短吟

顧庶圻

景物憑詩寫江天本畫成深情生遠眺雅抱在躬耕
憐我今為客頻年住此城空持登覽意又閱一春晴

陳鴻壽

絕頂捫蘿上君真第一流胸中春自滿天際客同遊

寒雨殘年盡晴烟曉郭浮東西覽湖海別有最高樓

羅永符

直上三千級同遊六七人雲開滄海日香透古梅春
臘雪殘年盡晴光早歲新會當費蠟屐一躡謝公塵

許珩

不知春意早臨眺自欣然湖海未新色風光隔舊年
豪情千嶂上詩思百夜前我亦憑登覽輸君一日先

開隱

開隱及清曉曉起碧軒東看雨飛天外招春入座中硯
和催墨易梅老作衣紅昨夜家書至慈親樂正融

題范錫湖廣文松下采菊圖

東閣梅初放金陵草正芳一官從昔冷三徑豈全荒
眼有異書讀心同古木長和光開霽月皎志烈清霜把酒
學彭澤結亭追道鄉隨時怡性命無事決行藏短髻侵
秋老疏巾覺鬢涼何人識幽意繪此境蒼蒼

王江涇

十里王江汎當年有戰塵將軍方殺賊宰相已讒人落
月平橋夜開花野市春可憐戚少保猶要媚廷臣

登雞鳴埭歸舟自蓮花橋步至地樓與兒子廷琥聯句得十韻

纔過雞鳴埭還未上地樓予塔雲行漸逼徑竹轉偏幽
疏叢木夕陽晚遠巒孤寺秋予到門鍾正永拂檻霧初
收疏坐久不忍去愛深忘別遊予此真絕巖俗誰信在
城陬被結伴得佳興同注張諸君思親生舊愁已亥隨先人遊此予地形今
始識風景昔應惡疏茶舍坐茅屋歸途乘小舟予家家
燈火出人影聚橋頭疏

送汪孝嬰之六安

君勢未可住驢車催客程才為一月聚又作六安行握
手更何日著書難獨成寸懷言不盡相對且無聲

同孫連水遊龍井遂至理安寺

數載杭州客初来看石泓閣前雙澗合樹杪一湖明跡
教遠村禿烟寒古壁鏘問僧最幽處指點越山行
路從峰頂下山在樹中寒見寺入修竹過橋分淺滿石
邊樵語細霜後君夜殘更結何時約同來坐翠巒

題安定書院壁

千里歸來乍息肩故裘猶帶武林烟韶光廿載真虛過
學舍三間且醉眠窗外寒枝增幻影予壬寅有題舍壁詩云
驚人以鬼窟前樹霜夜滿地雞鳴夜
首何人懶看鞭

張古愚太守

敦仁 招同趙味辛司馬何蘭士太守孫

淵如觀察暨江子屏汪孝嬰李濱石雨中泛湖夕飲

於倚虹園

冷雨侵人未減歡一舟未往興無端豈緣太守襟懷放
只為名流聚會難自愧獨無珠在握也來同喚酒頻乾
要知政簡庭無訟莫當紅橋禊事看

堰頭過談階平

渡河已三日驅車到堰頭故人一相見聊慰客中愁夜
語入殘夢春寒失故裘此行意宜奮莫當作依劉

劉智廟

有序

廟中神閭土人莫知誰何按晉志武帝時侍中平原劉

智嘗改黃初術今廟所在正古平原地為祀侍中無疑
詩以借康園表之為國

絕學人知少荒祠晉侍中若非名不朽何以祀無窮野
店三更月征車五夜風史書誰徧讀乾象獨劉洪

任邱道中

任邱北去水成湖昨歲懷襄警 帝都寺破靈神愁夜
雨村墟老馬感歸途喜看考氣浮郊甸忍見鳩形集市
衢共沐 聖朝天子德頻施餼粥勝醍醐

題闡中壁

壬戌三月十四日

兩鬢蕭疎已欲霜才來京國學觀塲文章未解趨風氣

祿命惟知曉顛蒼夢裏歸心等故里燈邊夜語集諸方
卷帙已是三更後月影如金上棘牆

崇效寺看花

古刹稱幽僻開未駐小車已過三月半才見一林花僧
老花面如木藤枯影作蛇登樓見郊考翹首莫思家

同鄭柿里

北評

劉美初

嗣維

唐竹虛

卷

汪珊樵

朝誦

遊釣魚

臺

古臺負幽致結伴出西城柳外遠山影駝邊春水聲風
高宜席地興至亦飛觥座有能歌者喑鳴作劍鳴

贈別汪珊樵

同里復同志四十始相親離別在明日笑言止一春深
情徵古誼醉語入天真此况不肯釋泱泱馬足塵

鄭州

春從鄭州過又向鄭州歸水溢市魚賤年荒官樹稀
車聲愁遠道帽影逐斜暉尚未全雞德何年始息機

與朱椒堂月下聯句二首

木葉蕭蕭下為弼官齋秋已深倚闌對寒月循聽角多

清音尔我同為客弼行藏共此心誰人是千古循但感

歲華侵弼

相聚亦無定循萍踪信所遭思家還久之弼論古欲長

號影短猶黑循雁聲鳴漸高傲霜殘菊在弼微醉鼓餘

豪循

效四靈體

詩派寧教重永嘉吟未春已到村家山溪暴長知融雪
野草初生認種衣日力且憑閒處惜虛名休向眼前誇
連朝社酒忘賓主扶醉歸來日未斜

吾無

吾無易牧責水旱不須論農叟泣無食江潮喜到門嘉
禾亦已沒隴畝尚知存莫管馮夷怒臨流看月痕

蟹

相習不知味只今方穆然猶之秋雨後却是荻花邊旅
食懷千里還家又一年持螯誰使部風尚合歸田

共放

小舟如一葉共放入村南無意逐烟水偶然來野菴滿
天生雨意半日得僧談興盡速歸去閒遊亦戒貪

汪孝嬰訪予來湖中喜而有作

秋水久圍屋故人何處來障蟲鳴未已籬豆正花開不
覺遠三載相看且一杯馬嘶人欲去怪是夕陽催

今歲

今歲纔知此是家匆匆豈是惜年華蟹肥便結空中沫

葵老猶開肆上花結習未能忘筆硯機心時許入烟霞
汝墳豈為開民賦但笑周髀意太奢

百尺梧桐閣為汪小魯作有序

蛟門比部以百尺梧桐名閣荒廢售他姓久矣小魯之
高祖適園孝廉與比部為兄弟小魯今讀書處亦兩桐
甚修以昔名署之

年年看種樹幾處長風烟高閣豈殊昔雙桐正屹然達
人知有後座客且無前變化誰能定長懷馬詔篇

鶯

從來多道尔果是聽來頻弄影恰宜柳鳴春解衙人門

前芳草暗陌上女歌新野老怪多事殊堪見性真

郭云

豈無百夫長何用尔催耕未曙舌已瘁方春農不驚稻
梁爭貴賤桑柘雜陰晴我願如農圃關心聽此聲

與汪孝嬰登泰州望海樓

泰州余至十三次今日登樓得共君屈指二十七年過
盛衰生死如烟雲西望圖山青似髮東觀滄海淨無氛
與君高唱皇華曲城外野田嘶馬群

夕陽

共道夕陽好晚來晴更宜才明半灣水已上最高枝兩

脚逐雲去虹頭飲澗邊人情知易厭不肯駐多時

湖村

湖村足棲息兩歲覺秋清霜肅葉還綠吟高鳥不驚競
心緣病息衰髮逐秋生只願親身健年荒亦太平

惡竹

惡竹斬不盡今年生更多甚妨花入眼不見月成波亦
有雲霄意其如獮獬何又憐相蓄久自怨亦蹉跎

哭錫孫貴齡

比到童烏事亦虛眼前恨淚忍徐徐一家歡笑皆憑女
幾日悲傷孰慰余况是老親扶病日不堪荒歲輟耕餘

秋風燐火黃昏月望尔魂歸就我居

己巳仲秋楊竹廬都尉過半九書塾小飲明日作此
乞和

喜近高軒過水濱一年情事幾芳辰
寒潭映月成雙壁老樹經霜作半人
病骨嶙峋難縱酒秋天寥廓共垂綸
宵來又動迎詩興要學松陵互主賓

庚午九月二日竹廬都尉邀往誦芳莊看桂

都尉相招過水莊半天風雨近重陽
心雷聞後能多味花到秋深更有香
白酒黃雞人共醉騎絲禪榻夢初長
功名千古知誰識莫道狂夫似點狂

登雕菴樓有作

開牕但楊柳坐久身不知鷺起入烟盡
牛鳴即澗遶聞心變書史病骨識天時
昔日張公子猶存千首詩

風雨破蕉葉作七言唁之

斜風猛雨夏成秋籬外芭蕉綠正抽
一一上如官進級絲絲解似刃屠牛
豈因渭長彈文妬不為山僧寫宋雷
聞道太剛容易折如君神致本清柔

白菊

陶令東籬下幽香此未更態常惟避目
開後欲銷爭葉葉得天意年年只自生
聊將一樽酒坐對夜霜清

答友人

病軀無賴豈逃名，慚愧嵇康論養生。
籬下月無須貨買，山中學必仗書行。
結菰為筏供春犢，種柳成衙待早鶯。
莫謂東西能辨孤，高原不似逢萌。

閒吟

多事勞勞閱古今，偶拋書卷學閒吟。
橫牕老竹間新竹，喚曉春禽變夏禽。
好共農夫課晴雨，不須詹尹卜升沈。
餘生又是三年過，壁上無弦舊有琴。

階下決明盛開偶得一律

翠羽金錢又幾年，柴門寂寂閉朝烟。
那知小草曾如許

得遇詩人亦偶然，藉卉不從周僕射。
書名已謝李平泉，杜陵老去神應在。
秋雨誰吟第一篇

坐

閉戶坐終日，豈知情偽真跡間。
心有古地遠，客無人亂石得生意。
野^花成好春，苦吟今不肯隨興。
傲東鄰

偶然

窮古鬱不得，拋書向曲廊。
石紋隨雨見，柳杪得秋強。
轉以柳聲靜，因教午夢長。
偶然成小賦，猶自擬長楊。

鷹

有爾便愁人，平原不見春。
無情長作勢，欲攫故藏身。
化

育惟天地威嚴亦鬼神可憐凡燕雀肅羽向荒榛

墜中海棠自戊辰開後四五年不花癸酉春三月盛
開光艷照人花老矣恐發洩太過明歲又將不花流
連不已記之以詩

尚擁羊裘小檻邊燕支萬點恰當筵坐看春盡如殘臘
且喜花開勝舊年夜雨關心頻起早野桃生妬莫爭先
同心只有丁香結慚愧霜毛欲墮顛

村居五首

交疎綠地僻俗巧亦天真酒待明年客橋行昨日人鼓
聲村社晚帆影漕舟春偶爾登樓望知吾在水濱

亭高春蕩漾廊淨月分明鳥習客猶近花疎雨亦輕撫
弦忘舊曲翻史識稀名鄰里時來醉鰕魚可作羹

情性人爭怪年來未盡除禱神生病樹賣米益奇書果
誘雛孫讀蔬分老婢鋤衣裳常不整謏僮更何如

時時窮易理日日對名花思苦家人笑庭空衆鳥譁寸
陰憐白髮多病羨丹砂與義何年盡吾知亦有涯

病已如皇甫元才效子雲簿書仍素志麋鹿豈同群消
息參時物辛勤述聖文唯憐陸魯望撫辨有誰聞

後村居五首

有序

友人謂余閒逸學陸魯望之為人作前詩白之友人仍

不喻復為此詩

但習山中性村居異市城雨餘春尚在樹過月逾明徑
表參差綠蛙更遠近聲門前諸亞旅報道已深耕

豐歉隨天意無人且閉門晝長侵墨短風靜覺夜喧食

李笑陳仲登高讓伯昏讀書非外樂何事不窺園

自以書成癖不因身病閒思融真得第義隱勝投艱風

艇折如澗烟林遠當山放懷馳倦目頓尔破元關

板牀終日坐條是十年秋綴石瘦於草種梧高過樓經

才能不滯吟已若成囚幾欲告知已書緘又自收

絕學共誰語方將怪我癡思經千度變故未一豪持曉

月雞鳴候春燈鼠爛時鬼神正來告此境少人知

王黃州以錦帶衣名不雅馴改曰海仙余植數本今

年盛開錦帶之名尚矣斥之為俗未以為然詩以解

之

名貴真能勝海棠千秋知己未茫茫却看居士衫邊色

又道仙人海上教短插竹籬扶燦爛用淮南子細飛梅兩伴潢

洋楚辭潢洋而不可帶王逸讀乃聲然太元淵潢洋已無方讀平朝來正檢昭明集書味花光兩不

好

哭鄭柿里舍人

不意凋零又見君初聞涕淚落紛紛空令趙壹思宣吏

更有何休識伍員婚嫁未完兒女事丹黃空著漢唐文
一尊遙向青冥酌愁問江東日暮雲

野外

攤書几上任縱橫策杖閒從野外行柳樹一年高一尺
人家三世已三更夕陽黃葉蕭蕭下秋水烏蓬緩緩撐
興到忽然思作吏欲將蘿薜易簪纓

僕素少交遊適年家處尤多疎闊昨歲聞武進臧上
舍卒於京師今又接歛縣孝廉方正程先生訃愴然
久之率成二首

臧上舍庸

同輩推君第一流南樓別後遂千秋真人昔有徐無鬼
儒行誰如許散愁只以詩書為性命絕無城府在交遊
招魂欲到燕臺去幾度臨風淚未收

程孝廉方正濠田

九十經師老伏生立言能令孔書明高糧辨後纔知稷
磬折懸時果中衡俗眼自驚為創論後人宜奉作先程
春空藹藹春雲暖想見須眉物外情

放船一首丙子秋分日作

田苗爛盡水盈湖石外閒花興不孤紫辦疊開秋芍藥
赤須倒捲山茨茹紙牕日入暑猶灼木榻蟲來夜有吁

且自放船烟雨際好尋漁子話蒹蘆

舟宿富陽和蔣竹塘孝廉調韻

新詩吟罷筆無停此地先生憶昔經遠水下如心脉脉
秋山疎共髮星星三更夢短潮催急一里舟連火露青
明日鷺絲灘上去江流多少喚人醒

此首補湖州懷吳園
次太守詩後

詠菰

酪酥嘉味滿秋畦爛煮登盤日未西座上無僧誰畏鼠
山中有客且烹雞鄉風自昔鮭為菜幻想何堪稻作齋
莫怪田間多寂寞昆侖曾綴紫瓜題

製棺成詩以落之

生憎蠅蚋怕狐狸羸葬王孫亦過奇無分疆場依馬革
何人江水學鴟夷瓜犀蕉節徒增慨白髮青山自有詩
豈是莫道司空能作達吾生如寄總如斯

至後

自去歲以來未曾作詩偶有所興半月始成時戊寅十

二月十八日

至後剛三日陽添幾髮程劇藤寬樹縛掃秋罷雞爭開
戶久無客唵詩事不成夜來風雨逼高枕聽寒更

己卯除夕枕上作

夢中親友未凋零笑語方溫夢又醒鬢雪半因陳籍白

眼花時共遠山青
烈風牕外鳴鴉鵲
活火鑪邊煮朮苓
且喜稚孫初學詠
吟聲不與歲華停

雕菰集卷五



江都焦循著

古意

不願郎富貴願郎長在家
郎富蓄姬妾郎貴遊京華
與雀角其飛雀善而我惡
與椀爭其負椀強而我弱
食豆不可生食瓜不可熟
位置各有宜戒郎休反覆
郎在洛陽城妾住長干里
洛陽春多花花開結紅子

題画

顰眉坐秋屋夫征何日復
夢起驚夫歸急自施膏沐

新月和族兄子均韻

一似人生一二句
精英未顯匿烟濱
自嗤青眼非如霧

熟視偏將地問人

六合道中

晚辭六合趁清和
遙送江風入素羅
十里垂楊青不斷
車聲傳處酒旗多

長干里

門巷無苔夕照斜
紅樓高處笑聲賒
可知落葉秋風裏
个个良人盡戀家

方景二公祠

衰經緋衣事不同
各行肝膽建奇忠
而今烟雨蘭陵路
不見燕王見兩公

病起東顧趙宗

半榻殘書書一影
侵此身多分已成蟬
病軀新起渾無意
坐看落花飛小禽

歸來

硯田耕穫笑迂疎
鎮日優游歲又除
倉卒歸來驢背晚
半山殘雪兩囊書

喜張夢樓至

廷暉

男兒不步萬里路
何事得吟千首詩
人世別離何足定
逢君又是落衣時

秋夜

凜凜龍門筆文章合孟荀可憐千古後猶念楚春申

歷下亭

浩浩明湖水蕭蕭歷下亭更吟秋柳白兩岸柳絲青

題王椒畦序廉畫山水

亂竹枝宜斬枯林葉未斂欲教春意滿還問作圖人

題美人對鏡圖

采采幽蘭花曉起自粧靚深淺休問郎只問青銅鏡

章邱道中

又整征衣冒曉塵歷城東去古關津可知司馬墳前柳
綠到車前已暮春

牛山

車塵十丈老孱顏影飄蕭曉度關涕泗幾隨春絮落
又迎風雨過牛山

阮學使試登州畢邀遊蓬萊閣望海市不得或舉蘇
長公禱海神事因作此以解之

翠阜重樓_本是空老泉居士信天窮日華五色誰迷目
幻影無端入倦瞳

濰河

十丈風沙一丈波平明驅馬渡濰河未從東海神山上
對此涓流又若何

小姑河即姑九

黃縣東稱萊子國
珠橋南接小姑河
回頭風雪聊城夜
千里齊封兩月過

秦淮

秦淮秋水生逢君
值秋夕對酒須豪歌
同心不易獲

烏鎮

布衾如鐵睡難憑
寂寂黃昏月未升
一曲吳歌聲斷續
女桑深處有疎燈

錢塘渡江

客懷何處寫澄空
曉渡錢塘趁好風
西望桃衣東望海

輕舟三五白波中

孝娥江

西望錢塘百里遙
孝娥江口夜停桡
青松鵠立白雲起
鐵弩不鳴秋不潮

錢清江

十里炊烟築太平
熙熙何記有司名
村巷不吠夜無吏
畫取百錢官亦清

復過梁湖

面面層巒生遠烟
梁湖春色更逾前
沿溪樟樹葉俱落
放徧一山紅杜鵑

古墓瘦藤懸老柏
石橋流水激殘沙
農夫閒立牯牛卧
紅雪滿田開澗花

紹興試院夜興

中宵獨自倚簾櫳
鎖院無聲萬籟空
橋下清波漾春月
戢花如雪滿牆東

渡錢塘江望六和塔

昨夜春潮帶雨聽
西興驛口畫船停
曉來江上看西岸
一塔獨紅山樹青

之衢州望家書不至

秋風吹起片帆馳
曉送新涼上鬢絲
連夜夢魂顛倒甚

思親未已又思兒

出衢州十里宿雞鳴山下

鹿鳴石室望不遠
縱橫百船雙塔西
衢州十月似八月
蟋蟀夜鳴紅樹溪

定山

江流東轉向錢塘
百丈蒼烟迸冷光
船似蚺蜍任南北
山靈曾憶沈東陽

白秋海棠

不解相思更可憐
自甘岑寂已年年
夜來微雨過幽閣
秋月半^牆人未眠

秋江曲

郎從江北行妾在江南住江上夫容衣是妾停船處
一夜金風急千帆趁落暉妾欲乘風去聞郎幾日歸
早看鴛鴦飛暮看鴛鴦宿鴛鴦有時飛鴛鴦有時宿

題女子郝玉蟾畫

一女凭樓窗外楊柳十餘株一仙女行波浪中

長江千里夢曾經曉望江流去不停夫情封侯在何日
樓頭楊柳又青青

誰我休言河伯婦殫人真有洛川神我按空侯公莫渡
烟波祿嶺正愁人

題程左恬風木圖

秋雨秋風夜滿湖無邊落葉雁聲孤挑燈我正愁難寐
又展君家風木圖

石門

松老橋邊春水痕羔羊塘外晚烟昏寒深二月青猶鎖
十里枯桑過石門

西湖竹枝

兒家家住西湖西兒家門對蘇公堤虧得蘇公筆隄好
讓人栽柳讓鶯啼

茗花

不妬山茶三月艷却分嶺上早梅香此身本是霜馬魄

那畏枝頭殺殺霜

題合歡蘭畫

誰寫合歡蘭為作合歡句本為君子交莫當青棠樹
不信花枝若此開圖中描出費疑猜深林果是無人伴
自吐幽芳自往來

竹柏樓有序

吳中袁又愷廷禱生六歲而孤母韓哺之十五年不下
樓君子稱其節焉
憶自良人沒傷心十五年年年樓上月寒照一兒眠

白溝河答淡石

停車且問酒如何休聽琵琶子夜歌繞岸青青萬行柳
春風已渡白溝河

北征曲

吾家瀕湖構園宅宅外烟光水光白行來十日惟見山
樹裏塵飛作湖色

題孟東郊詩集二首

時比喪侶猿忽疾看花馬一得一失間可憐孟東野
東野詩則寒東野心則熱人心自有春何為怨鴉鳩

壬戌五月晦日江文叔邀同汪晉蕃張開虞蔣春榭
袁又愷壽寧自集康山草堂

穉穉清華堂坐久暑不知
牕外一池水梧桐夜滿枝
枝上兩黃鸝飛飛桐樹西
不知時已夏猶自向人啼

杭州雜詩

壬戌七月以阮撫軍之招復客武林至冬而歸理所作
詩得絕句二十二首

百畝何堪兩月晴
水車聲送客舟行
塘樓一夜傾盆雨
明日錢塘未價平
塘樓夜雨

送客樟亭首重分
灘江萬里接燕雲
孤舟莫厭天涯遠
白髮堂前正念君
送汪小竹之粵西

扁舟無賴逐飛雅
小睡方濃日又斜
覺有餘香吹入夢

錢王祠外白荷花
錢王祠

摘句尋章苦未休
諸生若个覓封侯
軍書海上新未報
又斬妖狼四十頭
謝顧千里贈孫吳兵書

陰陰小雨到三更
對影擎杯事不成
豈是寒灰埋鏡魄
二分原在故鄉明
中秋無月

聚散無端悵水萍
劉郎風骨自亭亭
落花時節燕臺醉
十里松風又共聽
喜晤劉美初

西陵驛口帆初出
赤岸山頭木未摧
若个要逢胥種怒
如霜一錢卷秋來
吳山見潮

疎燈無淚泣寒蟲
寂寂官齋小院東
獨坐秋牕讀秋水

雨聲和葉下梧桐夜坐

石楠聽雨憶霜晨
款段騎來湖水濱
佳話今年足登記
孤山秋訪二高人
訪李尚之賦在東

陶詩一卷尋常和醉臥
葉桑我未能欲耽鍾
彭上廬阜
吳山今日却慵登九日

共訪青山學問禪
修篁左右夾吟鞭
放生池外鵝如雪
閒倚疎籬自在眠
與程竹菴顧鄭香林小桐遊雲樓

去年到此茗花落
今歲來遊花正開
九處溪流萬竿竹
蒼苔樵路久徘徊
理安寺

才看潮上又潮還
醉倚江樓夕照間
記得西窗泊船處

故人猶自識蕭山
江樓小酌

青青無奈晚霜何
屈指春風幾度過
堦下苔痕正幽潔
怪他猶半戀枝柯
梧葉

話到蒼生念亦癡
霜鋒解佩未嫌遲
祖鞭自讓君先著
莫忘官齋夜語時
與朱椒堂夜話

自有東籬好樂群
無心也慕出山雲
幾年浪許人間買
身價曾教到十分
見倚衣村翁

積堂妙句檇菴畫
清極皆同百尺條
莫要坐當秋雨後
一亭黃葉夜蕭蕭
題桐陰覓白圖

老斡扶疎圍潑屋
清寒到底足盤桓
荒園亦有梅衣樹

歲暮看來學冷官 題統屋梅花圖

惡竹應教斬萬竿 騷人例作菖菹看
雪屏真是知蘭者 只画疎疎幾葉蘭 雪屏畫蘭

老作孝廉殊自愧 四十得孫良可欣
老母呼喚速歸去 煮酒烹豚告祖墳 得家書口占

車聲古道記春初 幾日匆匆返舊廬
今日訪君與君別 北新關外柳堪梳 別程沅香同年

青錢二百風一蓬 帶江船映江波紅
帶到瓜洲解纜去 率然不見烟波中 帶江口號

寒食曲二首

寒食吹寒風 不令花破萼 非妬花易開 為惜花易落
寒食風兼雨 冒雨添墓土 楊葉聲蕭蕭 楊花不堪舞

擬樂府

針線層層密 嚴寒恐襲肌 不思衣到日 已是脫棉時

抱孫

寒天何事太匆忙 鎮日攜孫趁夕陽
若遇漢陽龐太守 又將微意測任棠

高義

高義雲霄未易償 囊中寶劍夜生光
當時恨不籠鸚武 隴樹年年喚二郎

決明

陰蟲竄底訴秋哀
輾轉寒衾小夢回
我有孤懷誰決得
欲披風雨問花來

村居漫興五首

四月湖村澤草肥
桔槔聲裏鷺絲飛
日長犬卧柴門靜
野婦携筐柳外歸

生長江淮不記年
魚鰕為飯水為田
頭銜署作魚蠻子

斜著莎衫坐釣船

籬門風雨隔枯桑
幾日人稱杜五郎
昨夜夢中思薦士

太
平身世豈相忘

僻邊翠影袂連馬
背上秋聲雨擊蓬
未譜不呈蘇玉句

未經今續陸龜蒙

病懶非關與世疎
歸奇顧怪品何如
往來偏不嫌孤寂

半有溪農半老漁

偶書黃山谷蘇東坡事

仰面卧繩牀
伸足闌楯外
細雨息矣
蒸生平無此快
欲坐木末亭
山高乏足力
猛悟身所居
如何歇不得

曉起

偶然擎酒杯
醉卧無甘舌
曉起鬢生涼
方知夜未雨

不寐

不寐起枯坐秋天不肯曉大星未熒熒蛩聲在莎草
三月晦日效宋人詠牡丹

國色真如此羞予鬢半皤一叢過四十未許說花多
立春

雪晴今見曉嫩開影褪南檐第幾楹人道是春剛半日
分明青已上枝來

買菊

重陽風雨徧揚州買得秋花又一秋說是傲霜吾不信
朝來籬下總垂頭

奉和楊竹廬都尉

一秋能得幾番晴野菊枝枝向日生趁此不從花下醉
風風雨雨最淒清

贈漁父

烟水菰蘆一釣橫偶然相遇說平生姓名本未傳人世
不用逢人變姓名

迎春柳

春歸無意與春迎簇簇金衣妬早鶯不似長亭送春絮
任風吹去作浮萍

觀村劇

桑柘陰濃鬧鼓茄是非身後屬誰家人人都道團圓好

看到團圓日已斜

太平身世許清閒况是疎慵驕已斑為笑羅洪先不達

狀元中後始歸山

是日演此劇

夏月階下小花數種相續開謝偶然成詠

錢兒葵

藕葉生方小榆莢青尚鬱莪莪階下葵亦道阿堵物

鐵線蓮

花開瓣若蓮莖抽須似鐵不比鷓鴣枝風吹容易折

纏枝牡丹

蔓衍滿籬落嬌柔露痕曉纏向牡丹邊天香一枝小

水桂

惟有水木樨枝葉竅奇秀蓑蓑白石旁深林匿遠岫

五月白菊

寒翠有本性何妨近煩熱不必到霜時以傲見晚節

金絲桃

鄴下黃須兒爾竟強哉矯鳴象芳歇鎗鎗出叢篠

紫玉簪

仙人函關未雲氣尚盈憤雖道折齒牙亦將五素易

凌霄

多文不自富依人上層級耐久顏不衰更染胭脂汁

小樓

秋花竹外見餘紅
寂寂柴門念未空
四面漁聲三面月
小樓高臥似舟中

春寒二首

十載清明未去家
又看插柳記年華
連朝風雨寒如許
留住梅花待杏花

已過春分未覺春
寒風冷雨畫侵人
偶然柳外黑雲漲
白鳥一雙飛水濱

落花曲三首

片片吹來細雨中
兒童恨欲請東風
美人老去成黃土

花到明年却又紅

吾生^豈寧有涯
眼前足為樂
莫憐紅滿地
尚有花未落
人心自悲樂
天時獨往來
莫憐紅滿地
尚有花未開

苔

簾外朝朝雨
階前處處苔
莫嫌春寂寞
自有落花來

草

不惜澆培力
開花亦自春
同為天地育
分別是何人

雞聲

雞聲催起獨徘徊
屋角牽牛花正開
幾點疏星半輪月
晨光一片自東來

銀徽

洗淨胭脂別作神絲絲微帶一分春可知紅紫紛紛地
中有香山白姓人

初夏雜詠

村巷催我夢魂歸坐起開門但落暉忽有異香來鼻觀
海桐花外野薔薇

斑鳩兩兩立牆東細草如茵襯落紅病不窺園剛幾日
笋尖高下綠叢中

雁來紅

秋總雨過雁來時七尺珊瑚見一枝恐怕被人疑是莧

拚將老血化胭脂

秋芍藥

瀟瀟昨夜響空階竹外紅薇送影來最好一叢秋芍藥
不須沾雨便先開

乙亥春丁香海棠盛開喜羅養齋汪掌庭至

二月三月春風催紅花白花相間開
病家三徑何嘗寂
多謝羊求次第來

友人論史事作此示之

莫道宏恭讒休嫌石顯詎可知蕭望之曾殺韓延壽
司徒笑銅臭不能免其子卓哉長安城與賊戰而死

可憐國馬^子卿酒肆題詩句但知宇文周惟識齊王豫

戊辰之春塾中海棠盛開意有所觸率為兩絕句

賤日看來亦悟稀桃李人面尚嫌肥低頭只是嬌無力
才過東風便亂飛

三年依舊此衣身不為^愁多減却春闌外胭脂開滿樹

看夜只少白頭人

補入高表前

啾啾

啾啾小犬吠門東緩步柴門曳短筇一路水聲帆影白

收租船返月明中

夜來二首

夜來風雨聽樓東曉見晴光映日紅柳色漸深花漸滿

草堂人坐燕聲中

又著新書半尺餘半春寂寂子雲居昨朝買得船如葉撐

到^{園花}蘆邊問老漁

芭蕉舒第四葉其畔罌粟鮮紅豔麗詩以當畫

朝曦初散滿天霞折脚鐺喧正煮茶坐看綠芭蕉葉畔

一枝紅豔未囊花

薄暮坐紅薇翠竹亭望湖

時已卯十二月

寒烟渺渺欲黃昏猛見春光到草門疎柳夕陽帆影外

淡紅暹帶一村村

雕菴集卷六

江都焦循著

讀書三十二贊 有序

本朝文學之盛一洗元明之陋僕因暇讀諸君子著述心嚮往之意有所契隨贊其末集之良久具三十有二首僅就耳目所及神智所會所親容再續之

曉菴遺書

王懷德名錫蘭字履庵吳江人

天算之學首推王公製器立法貫西於中日法反古退
網技窮短為西獨長與中同中術不修使西見功一言
以蔽惟天之從日食求邊理密數通唐之一行漢之劉
洪

學春秋隨筆 萬充宗名斯大 春秋說 惠丰農名士

甬上跛翁說禮最優余之所慕尤在春秋稱君無道邪

說謬悠翹自因因恩脫也收 平情定邪說 馬道奉武

縱逆納糾忘讎隱閱書堯特筆所修大義明孔權衡踰

劃 丰農惠氏實為其仇 州商勝楚之功駕孫周三邪孤忠顯

音學五書 顧寧人名文 武真山人

聲音之學當求諸詩季立之後顧氏成之四聲一貫叶

何為哉入聲雖閏亦與平謀祝州提折夫又何疑以今

泥古實為陋才

古文尚書疏證 閻百詩名君 據太原人居山陽 尚書後案 王西社名鳴 盛嘉寧人

古文尚書集注 音疏 江氏庭名 聲元和人

古文之偽發之自宋潛邱閻氏詳疏博綜危微精也道

書曰曰曰曰曰曰曰曰曰曰曰曰曰曰曰曰曰曰曰曰曰曰

曰曰曰曰曰曰曰曰曰曰曰曰曰曰曰曰曰曰曰曰曰曰曰

勇處士江公用平家訟鄭疑亦區孔是亦用二十篇乃可以誦

秣真全書 梅定九名文 鼎宣城人 赤水遺珍 循齋名 穀成

本朝秣學推梅與王王核而精梅博而詳千秋絕詣自

梅而先循齋穆穆妙悟獨彰謂東來法是有借根古天

元一實其濫觴洞淵九容於以不亡

聖門釋非錄 毛大可名奇 穀蕭山人

西河謬謬譏者有人我獨好之有功聖門帝王務本孝

弟即仁忠怨一貫明德新民聖道聖學此之謂神運非
鄙士由豈欺臣忠括庚正詔雖矯激用雪諸賢

儀禮句讀張稷名爾 岐濟陽人儀禮章句吳中林名廷 華仁和人儀禮正

論金璞園名曰 追嘉定人

儀禮十七讀考者苦難明三百年來之不觀高菴處士繼
絕守錢考其脫誤二百餘言仁和吳氏審定三章分章
斷句頓失其絲金子正論賈疏亦完

禹貢錐指易圖明辨 胡明名渭 德清人

畫地開方為禹貢圖黃河遷徙法郇塞瓠鄆流既絕昨
派亦枯脉絡井井變白為烏孰克成之其處士胡易圖

明辨厥績益懽象數流弊大聲疾呼先天方位屬之丹
家

周官祿田考沈冠雲名 彤吳江人

官多田寡為周禮謗果堂考之乃顯斥其妄自公而降自
井兩上官爵公田厥數適當亦有餘財他用以廣郊野
之官不名州黨不易再易通三以量減以攝試增以加
賞

鄉黨圖考江慎脩名永 婺源人

論語一書人無不習叩以典故目眩氣聶婺源老儒考
核獨及著書餉世人得撫拾抑知江君為學不厭天文

律呂古今地邑六書七音罔不精洽用之此書家妙乃集

孟子字義疏證 戴東原名震休寧人

性道之譚如風如影先生明之如昏得眼先生疏之如示諸掌人性相近其善不爽惟物則殊知識罔罔仁義中和此來彼往各持一理道乃不廣以理殺人與聖學兩

易例 易漢學 左傳補注 惠定宇名棟元和人

東吳惠氏四世傳經至於徵士學古益精邇康告退蒞虞列庭例明派別祛蔽開冥學者知古惟君是程春秋

左氏以古學名征南違舛誰破其熒補而注之功在先

通藝錄 程易疇名瑤田一字易田歙人

首種之稷定為高粱九穀既辨眾草亦詳罄折中縣鼓從股橫千年之誤疏通證明琴音分度禮服徵喪尚象識器畫井知方實事求是窮極微言允哉通藝軼漢駕唐

澆堂述古錄 史記釋疑 錢岳原名塘嘉善人

澆堂述古莫如三江毘陵為北陽羨為中北會於淮南江連東班志不易其說宜宗律呂歷算生平所工用此

釋史人誰與同大歲大陰左右分宮大陰紀歲故建焉逢

禮箋 金輔之名 榜款人

殿撰金君學長於禮十人取一為正義卒古司馬法豈穰苴說國服之息農與賈二秦郡漢國節厚及妻以初為常經紀遂庚戌寅歲差麟德攸棄穎達安之說經斯泥

深衣釋例

弁服釋例

任子田名大 稽興化人

禮有弁服其制伊何侍御任君考得為多昂收實冕云弁者諱詳徵博辨若別江河澤衣之屬蓋為餘瑣領交

袷曲襦縮祀垂褶袴兩物一布一羅袴為裳變故協朝儀

爾雅正義

邵二雲名晉 涵餘化人

經

爾雅邢疏實多闕略邵君經經毅然而作者其諱糾補其脫落審定伊平取材茲博劉李孫樊遺文悉獲桑扈竊脂確指其錯列以七證砢然如石

經讀考異

武產谷名 億偃師人

一卷之經互為白讀或與上連或與下屬學究不知株守其獨古訓沈沒說鑿解曲偃師武君識高學涯辨其析離明其斷續義證兩從彙收並錄小學之功此誠菽

粟

文史通義

章石齋名學
誠山陰人

紀事之學莫如章侯述而不造功在咨諏陶鑄群言點
竄塗內辭恐已出不違如愚描摹關鍵學究文儒卓哉
班馬孰矣韓歐學者師此庶端厥趨

六書音均表

說文注

詩經小學

段懋堂名玉
裁金壇人

惟之支脂分而為三惟十七部用統象音轉聲於部弗
紊弗淫何以證之離騷國風學宗許慎例殊張參音轉
義一賴君指南假借之妙獨契於心毛詩訓詁於是可
尋

詩聲類

孔與軒名廣
森曲阜人

陽九陰九相對互轉東與冬殊虞與模判求之益精嗣
顧江段段無去聲三代兩漢孔無入聲與段相反分例
說詩最為明遠

孟子四考

周耕厓名廣
業海寧人

邵武士人假名孫奭作孟子疏淺陋庸劣海寧周君致

核維力出處相時地為亞聖翼逸文異本遐搜幽文章句

章指引事僻匿陳質拜妻絲露可識孔子墨突賓戲匪

則

經籍纂詁

十三經校勘記

阮伯元名
元儀徽人

使君按越論乃諸生訓詁之學遂集大成嘉惠學者以

庸群經群經之刻謬缺不明校以家本審訂獨精於說經者饒以

二十七史考異 錢竹汀名大昕 字曉徵嘉定人

法程

營事之學博大精微於何為極遷固修祁地詳沿革科
澈中西職官制度考核靡遺以斯治史乃得會歸獨錄
番西詳國母單孰云乙部易於經師徒由釋文直斷

廣雅疏證

王懷祖名念孫高郵人

經義述聞

伯申名引之

訓詁聲音經之門戶不通聲音不知訓詁訓詁不知大
道乃沮字異聲同義通形假或轉或因比例互著高郵

王氏鄭許之亞借張楫書示人大路經義述聞以子翼

說文聲系

姚秋農名文田歸安人

歸安姚君洞手聲學聲近聲轉兩言而足轉為異類近
仍一族貫而系之如串貫肉骨响互異變在鄉曲天籟
自發部居罕鞅通人之言使我三復

述學

汪容甫名中江都人

明經穎穎無書弗讀櫛其精華謂之述學周官古書其
徵有六職方一篇申告自穆左氏所叙神鬼夢卜福善
禍淫史職用告三九之釋形容與曲婦人無主厥辨尤

萬

燕樂攷原凌次仲名廷
堪欵人居海州

琵琶四弦一弦七調二十有八燕樂可先宮商角羽惟
徵弗就唐有五弦廢先七角古律何在上凡五六九宮
之調沈氏不覺虛理難據實譜易蹈學博凌君克明其
與

衡齋祿學汪孝嬰名
兼欵人

母友孝嬰天授以敏數學精深獨入於理人所共可君
知其否一問兩答以難奉李兩形互易創立新式貫通
和較縷析正負探蹟索隱邁越諸子

我為懷人尋往事范公祠外祝鳩鳴

顏監文章脈未刪掄才喜值趙閑閑靈蛇珠老俱益網
赤豹春深畫露斑客夢昨榮金嶺鎮車塵遙望穆陵關
壯遊明日蓬萊去又與仙人共往還

登州雜詩

車驅千里外地極九州東平朔月痕見當頭斗柄中風
聲喧日夜屢氣出青紅欲拜田橫客淒淒墓草叢

海氣作寒烟登州四月天大魚鮮入骨高樹綠猶奉夜

火馬孤城腥風

欄道蓬萊上金銀舊

色連朝霧濤聲走迅雷登臨一憑眺搔首獨徘徊

江定甫贈刀作詩酬之

孟勞聲裏見霜鋒練影森森出數重有客丁寧休鐵鶴
幾年辛苦學屠龍武成難擾傳良吏渤海牛眠羨老農
我乏瓊瑤酬未得敝裘羸馬鎮相從

答詩

江安

南州無夢入中宵折盡歸心客思遙持贈意無文
隱善藏語愧漆園超百金我豈勞裝飾七字君真費
鑿雕篋裏寒芒飛去後却添麗句勝瓊瑤

寒學

句股細草

李尚之名
鏡之和人

李尚之深於古術太初以下一一詳述用集大成古
無其匹宋金六家衛朴姚舜輔李德新殘缺廢脫用道古法
積年數出仁術之書說天之一校而通之秘奧以致惟
茲細草僅露其蘊

大戴禮記解詁

王實齋名聘
珍南城人

王君

實齋治大戴記孔壁古文德所自取不雜諸家文

亦無異酬校之士異端遂起坊費是依類書是采家語
所引實乃肅政據以增刪惟經之校君則詁之一仍於

舊

琴音 王吉遠名
坦南通州人

黃鍾通韻 都回德文乾氏
長白人

音得塔歸吉遠之說

黃鍾小素三因四開以三應五獨下一徽定為宮聲

造於微曰曰商徵又德所歸曰商離音曰商可稽律管

黃鍾如母斯曰曰商徵又德所歸曰商離音曰商可稽律管

兩將軍贊 有序

有正無變順遂
七均不離文
乾一說去廿
庶成

漢平陵朱雲請尚方斬馬劍斷張禹頭唐北平陽城哭

伏延英門欲壞白麻不許裴延齡相直矣吾尤慕辛慶

忌張萬福以赴赴虎臣而感激論救從容勞揖讀史至

此合而贊之

奕奕辛君漢左將軍鄙哉相禹直哉臣雲請尚方劍斬

此佞臣罪死不赦誰能解紛叩頭流血惟辛子真免冠

解綬以死力爭天怒遂霽且以直旌槐里廢令慷慨上

聞狄道武夫匪舊匪親激以忠誼感以至誠下全狂直

上顯聖明

張君桓桓孔武有力防秋京師禦寇厥職道裴延齡實

亂唐國諱害忠良如蠅在棘諸苛細者結舌屏息惟陽

大夫當此心惻哭伏延英指斥奸慝竟日不去罪且不

測惟君見之嘆為難得國有直臣焉慮河北吾年八十

見此盛德長揖勞之敢不銘勒凌烟魏魏不愧丹青

宗兩先生贊

李泰伯觀

處有道世而進民言居草野中而念元元禮以安民克
探其原公輔之才先生有馬里閭有惡如棘在膚鋒戎
矛戟誅此魅狐賊實有黨反陷以辜幸生盛世表白災
除

孫泰山復

春秋之學發微尊王用誅亂賊豈曰韓商誰毀誰譽誰
嫉其良家口說說莫知其方一舉不第歸而著書彼陸
魯望豈其同予撫緯何在托身幽遐先生非隱以為國
華

李孟贊有序

元臣以李孟為第一讀元史慕而贊之
布衣李孟有宰相才國賴以真身不可摧時飛時伏弗
峻弗墮如日冒燭若龍涖虺識居家始功答心裁干戈
化武杞梓收材一代文治惟公式開道融吳許節邁劉
崔雷侯鄴侯輝映九垓

陳節母頌有序

歙縣王君廷暉以素冊介里中孫韶九乞余為文以彰
母節節孝之事余所樂稱也惜不知節母夫及父名字
本末年月亦未詳聊述其大略而頌之頌曰

節母陳氏尖山下人十九于歸相敬若賓六年而孀我
生不辰呱呱兩雛未能負薪既遠兄弟誰卹我負織織
十指用以成春嗷嗷三口恃以存身藐孤既長誨之諄
諄撫之成立授以昏姻子能服賈以贖其親子復有子
母年七旬四十五載縞衣墓中如波息井如霜在筠君
子高之以為世陳

孝斛銘

有序

木斛口方六寸底方一尺五寸高一尺二寸前面鐫萬
曆甲辰年立六字後面鐫一孝字徑一尺左鐫租斛二
字右鐫一官字猶高祖父震鳴之遺物也歲久脫落尚

之以鐵乃復舊觀因銘之

念昔我祖以讓為德瘠田百畝力耕而食終儉且勤生
產以殖倉庾既盈出納有則請於有司用頒此式五世
以來詩書稼穡耕有收餘祭用厥功施予則奢醉飽以
貴惠分及鄰課完於國子孫紹之勿浮而實惟實斯敦
惟浮乃路孝于惟孝守之無極

改水車為書檣銘

有序

歲甲戌四月至七月不雨沿湖之農日夜引水救苗車
具為之敝既易而新之其敝者將用以鑿余惜其有功
於農而以勞致病病致棄也解而其察其實可成一巨檣

乃授工以式凡五日積成高六尺有六寸廣五尺九寸
深一尺七寸從分為二緯之以級有四上一級殿經中
二級殿史下一級殿考訂經史之書飾以漆樞之以_金四
置之倚洞淵九容數注易室中因銘
以勞始以逸終潤枯萎時乃功進厥職文在中世世守
之无攸窮

相墩銘

有序

譚者謂甘泉山之峰有七象斗其四周之墩二十有八
象列宿相墩其一也墩先不著名雍正間歸於相翁業
業與其弟度世居邵伯鎮既有此墩植柳千百頭起屋

數个兄弟觴詠其上因名曰友軒迄今幾十年柳叢蔭
遠望不辨株幹惟綠一邱三面臨湖水故又名其屋曰
近湖草堂東鄰漕河四方賢士大夫北征南遊皆往來
於側好其幽逸明琴登而久之或發為詩歌於是墩遂
以相名而相墩之名著於遠近余家在白茆湖西出門
即見墩泛湖而東必過此墩而返相君擣九時廉余之
蹤跡漉酒以俟擣九業子也序其地而為之銘
報德之維值箕斗山脈作突兩湖口厥草菰蘆厥木柳
中有一軒名曰友春帆千疊迎戶滿秋榔聲聲發漁叟
我乘舴舺入烟藪神怡不覺坐之久主人飲我竹葉酒

我醉放歌家擊缶紛^爭蝠燕尚何有相兮墩兮兩不朽

勁雪銘 有序

堦下有石高二尺許上銳而左直百餘載矣邇年以來
徧體吐白如酒謚之曰勁雪人曰信也乃鐫於石之左
畔而銘之

不曰堅乎其骨已鐵不曰白乎其表已雪不隨於風不
枯於熱形之在中維介乃潔君子之貞烈士之節

團扇銘 為黃蒼雅作

周規徑矩表和裏勁月白風清慎持其柄

不雕硯銘 有序

余十四歲時族祖父倫士翁以此硯見遺今三十年矣

銘曰

不雕不琢其象璞若嬰若腫其狀木圓而稜弓澤而肅

黃汪橋關帝廟鐵鍾銘

水土平百穀成復即命安農耕宜孫子事父兄斗行午
長物盈造衡鍾聲如鯨慶隆盛禮神明權以忤和而鳴
億萬載長鏗鏘

木瓜杖銘

大厦可以蔽風雨杖亦為身之輔

桃杖銘

入山伴我毒蟲卻物鬼左

古藤杖銘

有序

從先金門以古藤杖遺我云是百許年物

我力尚重尔太輕俟我力輕與尔偕行我年尚寡尔太

多尔傾我持尔如我何



